

E. W. DKHAR

KA THUD TAM
(*Drama*)

1997

La pynmih da I Kong Blindatoris Dkhar, Nongpoh

Acc No - 7557/12.L
Class No. 895.932 D. II. Ka
Author E. W. Dikhar
Title Ka Thud Tam.

Borrower's Due Date

Acc. No. 7557/12.L

STATE CENTRAL LIBRARY
GOVERNMENT OF MEGHALAYA
SHILLONG

1. Books may be retained for a period not exceeding 15 days by members.
2. Books may be renewed on request at the discretion of the Librarian.
3. Dog-earing the pages of a book, marking or writing therein with ink or pencil, tearing or taking out its pages or otherwise damaging it, will constitute an injury to a book.
4. Any such injury to a book is a serious offence; Unless a borrower points out the injury at the time of borrowing the book, he/she shall be required to replace the book or pay its price.


Help to keep this book fresh & clean

E. W. Dkhar

Ka Thud Tam

(Drama)

La ki jingjia ki long kiba shisha, ki kyrteng baroh
kiba la pynwan ha kane ka Drama, ki long kiba la shu
mutdur.



(Ia ka hok Longtrai la tyngkai).

Ka Lamphrang

Lada ka Drama ka long ka atiar kaba pynkhih bad pynskuin la ka jaltbynrlew; ka atiar kaba tihthai la ka khan ka pyrkhat ka imlang sahlang; ka atiar kaba shut tukni la u rui ka jingim ban slan bad tipbriew la ei ban kdup bad la ei ban kynther jymbulñ; ka it-khmih jong ka longbynrlew manbynrlew; ka don, namar kata, ka dawbah ha lyndet kawel pa kawel ka drama kaba pun jingkieng sha kata ka thong. U Nongthoh mynba u ngi ha ki lynter bad ki pyngklang ka imlang sahlang u da it pyрман la ki jingja baroh kiba don ha baroh ki sawdong pud jong ka bad lyngba u khulom ksiar khulom paila u ruid ban phawer la ka jaltbynrlew sha ki kynjang ba kham sha jrong jong ka jingim; ka jingim kaba palei lymphuiñ kaba ki erpyngngad ki ial beh bad ki umpohliew ki ial kyrsol.

Ka kyrteng jong kane ka Drama '*Ka Thud tam*' ka don la ka khubor tym pang kaba plaic war la k pongshai ka pyrkhat kaba ym lah shuh ban tap-lubri namar ba kala ngam jylliew sha u klong ka longbriew manbriew. Dei halor kane ka dawbah ba u tnga u kylli jar jar ha la ka tnga mynba ki la don tang arngut hi ha lyngkha u ong, "Kmie, lathuh hok la nga; kael ka jingleh ki kpa kaba pynsngewsih kthang eh la ki long-kmie?" Jar ka sngap shiphang bad nangta bluit ka mih ka jubab naduh tynrai ka dohnud jong ka, ka ong syndet, "Ka thud tam."

Da shisha kane ka dei ka syngwai phliah ding kaba la kynthah narsaw la kiba bun ki longling longsem bad halor kane ka syngwai la salindur la kane ka drama ba u khulom kafar khulom paila u lohi la ka erlong kaba beh bad ka leilleh kaba thaba kum ban patrong jubor la ka jaltbynrlew sha ka khlem pyrkhat.

Nga kyrmen ba kane ka drama kan long ka jingkyrsiew; ka jingkyrsiew kaba pynpynngad ia ka pyrkhath ki longkmie longkpa; ka jingkyrsiew kaba moramot ia ka or ka pait, ka kait ka kynriang jong ka longling ka longsem; ka jingkyrsiew kaba parpalā sha ka kynjai sujai bad ka palel pasiang ka jingim. Lym kumta u maw un takhuh ia u maw ha ki pyntha bah ka jingim.

Nongthoh

Ki Nonglashim bynta

U Kynsal — Kum U Surgean.

Ka Manosha — Ka tnga U Kynsal.

Ka Siantl — Ka Para khatduh Ka Manosha,

Ka Tiewbon — Ka kmle Ka Manosha.

Ka Phyrnal — Ka Paralok ka Manosha.

U Donbok — U Paralok Ka Manosha.

Shonral — Kum U Shakri.

**Ka Byrdi — Kaba leh mynleh paralok bad ka
Manosha phewse, ka ibha bad ia
don ei ei kaba rih bad U Kynsal
U tnga ka Manosha.**

U Ksarlah — U tnga Ka Byrdi

**Ka Jingialehkal baroh kawel ka sdang bad ka kut ha
lihg U Kynsal - Ka Manosha ha Laitumkhras,**

Ka Thud Tam

(Drama)

Scene : Ka kamra khmat ka long ka kamra kaba ka Manosha bad U Kynsa ki la pynriam pynbeit itynnad haduh katta katta da ki dur bad ki jingbuh jingsat. Kumta ka ishongkun bad iphuh iphieng haduh katta hatta.

Ka dei ka por nohphai sngi.

Ka Tiewbon ka shong weibriew ha kamra. Ka long ka briew kaba la i metiaw tang ba ka khmat ka iphuh bad i shai. Kaba la pynilub shuh shuh namar i don ka khmat kaba rym-muin Ba kum ka briew kaba don ba em, i riam i beit kynjai. Kane shuh shuh ka nang-pyni lung kyntiak ia i. Hamar kata ka por, la plie ia ka jingkhang bad u nongap u wan iathuh ba ka Sianti ka wan. Ka long ka samla kaba shaidoh bad ba mihkhmut mihkhmat bha. Tang shu rung ka kren.

Sianti : Wa ! I Mei du !

Tiewbon : Phi te mo khun, phi buddien ia nga kum ka syrngiew.

Sianti : Ngan leit tip hi ba phi don hangne ! Te, balei phim iathuh lem ia nga ?

Tiewbon : Ha ka jingshisha ngam shym mut satia tad haduh nga iohi ba ki khmat jong phi ki kren kumta. Mar kumta hi wut wut nga khreh ban poi shuwa.

Sianti : I Shonrai pat i iathuh ba i kong im don satia ha iing, ka dei ?

Tiewbon : Ngin ia ap. kein haduh ba in da wan, ne phi ong kumno ?

- Sianti : Bha kein haba ngi la ia wan syndon kumne Ym dei Mei ?
- Tiewbon : Katba phi ong kein. (Mar kumta ka kylla noh ia ka phang jingia kren) Sianti, ki ktien kiba phi kren te ki da long shisha kiba sngewient, hynrei ka sur pat ka sma khot te phi !
- Sianti : Kren beit seh Mei. U Blei u ai la ka sur ka sur te yn sa leh shuh kumno ! Bun pat kiba ong ba nga long ka briew kaba phliak phliak phlak phlak bad kaba khuid : ka mih lut katba don.
- Tiewbon : Nga ia mynjur bad phi : phim i pat ban shu long tyndong shimat eh ruh ka paw bieit em ! Ka kynthei briew ka dei ban long kaba jai jai bad kaba tyngkan.
- Sianti : Mei, kata kaba phi pyni ruh kaba dei ; ka shong katkum ki khen ki khen kein. Nga wan khnang hangnc ban iathuh ei ei ha i Kong
- Tiewbon : Ba phi la ia pi-ar bad u tou samla em ! I Kong i donkam seh ban tip ia kata ?
- Sianti : Phi ongkumta Mei. Ha lade pat nga sngew ba dei tan iathuh ha la i hymmen.
- Tiewbon : Sianti, kynmaw ia kane. Ka jingkylli ka bym ioh ia ka jubab kaba shai ka long ka jingkylli kaba eh.
- Sianti : Eh te yn eh lei kein Mei; tang ba kawei ka ba nga sngew donkam eh ka long, ba i dei ban tip ia ka jingshisha
- Tiewbon : Jingshisha ! La kan pynmyntoi ia ka nong-sngap ne kan shu pynshngiam rai tang ia la ka jingsngew !
- Sianti : Ngam tip Mei, la phi tip ne em: I Kong im long i briew i ba suk.

- Tiewbon : Phi tip kumno ba im suk ? I bam bha, riam bha, i thiah bha bad i sngaid pding pding. Katba ang i ioh: te don jaka hae pat ia ka jingbysuk !
- Sianti : Lada phim ngeit Mei, kata ka long kawei pat. Don bun ki biew ki bym sngewthuh satia ia ki lynter ki pyngkiang ka jingim. Ki ngeit ba ka jingsuk ka shong ha ka bam ka dih, ka kup ka sem bad ka riam ka beit. Phewse kum sngewthuh ba kine baroh ki shu long tang ki mar pyni: ki bym lah satia ban ai jingsuk haba ka dohnud kam suk. Phi te Mei, phi dang long 'ricwhyndai shisha. (Hamar kane ka por ia ka jingkhang la plie bad U Shonrai u iathuh ba I Kong Phyrnai i wan.)
- Tiewbon : Wa, I Kong Phyrnai du ! Shano kumne ka lyer ka beh ? La slem tang ka syrngiew syrnget ruh ngam ju iohi. Phi shait phi khlain bla ?
- Phyrnai : Shu ia bit hi Kong. Ha ka pyrthei rusha kam mynta te, la shitom ban ia kynduh lymda dei da ka kam. Shu sngewtynnad tang ban tip ba ia shait ia khiah krad. Hana, U Shonrai u iathuh ba i Manosha im don, ka dei ? Haba kumta phi ialeh aiu hangne ?
- Tiewbon : Ngi shu ia ap kein. Nga tharai in nym slem hi.
- Phyrnai : (I phai sha I Sianti) I Kong Sianti pat, kumno phi long ? La slem jlang ngim ju ia kynduh shuh. Phi khlain em ?
- Sianti : Malu mala (I sei ka pla kwai) Shim shim bam noh da u kwai. (Mar kumta I kylla ia ka jingkren) Ew, ka pyrthei aiu kaba kum kane: sngew lamwir pynban ma ngi kiba

sngap. Teng teng nga la kwah ban set noh
ki shkor.....

Phyrnai : Phi leit sngap sa ia ka pyrthei. Tang ba,
kumba ong ma phi; sngap ruh ym long, ym
sngap ruh ym long; ngin sa leh noh kumno?

Sianti : Kata kein phi.... Nangta phi bna ei ei ha
kine ki sngi

Phyrnai : Bna aiu kein! Ki khubor pa ki khubor ha-
duh ba la sngewsah kyllut ki shkor.

Sianti : Ki bna te phi ba I Kong Kynsai; iaiaid
burieh bad I Kong Byrdi: ka long kaba
shisha Phyrnai?

Phyrnai : Wer wer ka don ka hamsaia; yn ngeit ruh
kumno, ym ngeit ruh kumno: kynthei ne
shynrang ruh ki juh: niar kiba lah ban su-
mar la ka long briew.

Tiewton : (Shu leh mynleh kren tap-eit-miaw) Ka jing-
long briew te phi kam ju biang tang ki tam
ki duna suda. Dang tang mynta nga iohsngew
ia kum kata ka khubor.

Sianti : Kat haduh ban da poi ha ki shkor jong
phi Mei, ka kam ka la iaid jngai jngai. Ha
ba nga dang iohsngew nyngkong ki shkor
jong nga kim lah ngeit: kum I Kong Kyn-
sai eh te phi la pap: sa mano shuh ban lait!

Phyrnai : Fhim tip seh Sianti lajan baroh kito kiba
pyrkhat mod ki don beit la ki boy friend ki
girl friend.

Sianti : Phi ong kumta! Dei namar kata seh ka daw
ba sa sawa' haneng harum hana, u sohtuh u
khamthiang!

Phyrnai : Hoid kein phi ki ong ruh hana, ka um-tuh ka

khamthiang Ki iu pyrkhath pat ia kane: haba ki kpa ki bam sohjew, ki bniat jong ki khun ha jingthiah ki shyrkhei! Ynda ka matir matlah ka wan ki sa kyrpad blei!

Tiewbon : (Da kaba leh rem) Ha lade hi ngam sngew lah ngeit ba i pyrsa in long kumta lymda nga ioh ki sakhi satar kiba biang. Ban ioh sakhi satar ruh kum ia kane ka kam kaba eh, ne phi ia ong kumno?

Phyrnai : Map kong Bon lada ki jinghren jongngi ki pynsngewsih ia phi.

Tiewbon : Phyrnai, ym dei tang ba nga sngewsih, nga da sngewrem ruh. Ka pynkynmaw ia nga ia ki jinghren jong i mei iba ju ong kumno: Khun ki shynrang ki long ki jingthaw kiba pher. Hynrei, kum ki kynthei pat, ngi dei ban long kiba stad bad ba iai shah. Mano shuh ban dang pyrkhath ba I Manosha bad I pyrsa, 15 snem ha ka jingsuk jingsain; yn dang long kumta!

Phyrnai : Kong Bon, wat kynnoh tang ia ki shynrang: ki kynthei ruh ki bym komti ho ha kine ki sngi. Phi tip kumno ki kynthei mynta ki ong: pretent beit bad leh holy holy: baroh kan iaid beit.

Sianti : Kong Phyrnai, wat leit generalise seh kumta. Ka shong ha ki jait jait briew. Hynrei tang kawei kaba nga kwah ban buh hakhmat jong i Mei, ia i niew ne em ia i Kong kum ka khun? Lada i niew, hato i lah pat ban shu nguid ha lade ia kat kine kiei kiei?

Tiewbon : Shisien sngap, sngewbyrdei, hynrei ynda ia pyrkhath bha pat, ka thap bakla. Phi sngewthuh ba ka long kaba dei ia nga ka kmie ban leit shur hangta haba ka Manosha kam put tip ei ei?

- Phyrnai : Kaba phi ong ma phi Kong Bon ka dei Kane ka dei ka jingpyrkhat tymmen briew, kaba la ih bha bad bym shuriap. Katno slem un buh-rieh ? Shisien ka sngi kan pawpen ryngkew em ! Ka iai shah ka long kaba donkam.
- Sianti : Slem katno kein dei ban ap bad iaishah ? Ha lade hi nga la kut jingmut ba ym dei shuh ban pynslem khlem leh ei ei.
- Tiewbon : Tang kawei khun nga shu maham ia phi, ba ia kane ka kam horkit phim put dei ban ia thuh ha I Kong.
- Phyrnai : Shaphang kane, Kong Bon, nga la bna la slem: nga shu nguid ha lade. Phim tip seh haduh katno ka mynsiem jong nga ka kthang bad sngewmyllung ia I Manosha bapli.
- Sianti : Ha lade hi nga shim ba ka dei ka jingpynjah burom. Ha kawei ka liang nga kmen ba ki khun baroh ki don ha hostel. Ani ! ka byrsieh byrsang aiu kum kane. Lada i Mei im nud, ngan plie kitab ma nga.
- Tiewbon : Sianti, wat shu bam jakhluit, sngap lem ia ka jingpyni jong nga. Kum ka kynthai phi dei ban long kaba jai jai. Ap ia ka por: namar ka, ka dei ka atiar kaba kongsan.
- Phyrnai : Phi la tip em Kong ba la shibit kin ia leit bam lunch lang ha Pinewood ?
- Tiewbon : Daei mo kin ia khawai, phi tip ? Oh, la dep !
- Sianti : Phi don ki sakhi kiba biang, namar kata phim dei ban set la ka shyntur.
- Tiewbon : Khun, don u pud ia kiei kiei baroh. Ban ap bad puson ka dei. Ban law law niangthangdoh dei ka jingbieit. Naei kein phin twat ia ka jingshisha haba ki leh haba dum barieh ? Ia

ka jingsnjew ym don ba lah ban surpur.
iasuk bad nga shipor katba I Pyrsa i dang
pynbiang ia ki khun, ieh u mat leh; un sa
ioh hi la ka nong. Duwai tang kane; ba ka
nohjot nohrem kan nym byrsieh ha ki khun
bapli U mat kit hi ma u ia ka longjot long-
rem, ka matir ka matlah. Shisien ka sngi un
sa takor ia la ka shylyngmat.

Phyrnai : Ka nohjot nohrem, ka matir ka matlah; phi
ong Kong Bon!

Tiewbon : Ki tymmen ki ju ong kumta: ba ngi sa pyn-
kyntang khuid ia ka jingshong kurim: lym
kumta te ym shu ia lymbub naphang? Sa ong
ei-ioh tied pyrthat ioh dait u khla!

Phyrnai : Pleng mynta nga sa sngewthuh balei arngut
laingut kito ki khun ki para marjan ki byryia
ki matir.

Tiewbon : Hoid kein, phi lah ban leh ha kaba rieh, hyn-
rei U Blei u thad ha kaba paw. Hynrei kaba
sngewsih ka long balei ki khun bapli kin leit
kit ia ka pap ki kmue ki kpa.

Sianti : Phi ong Mei 'ieh u mat leh'? Hato kam dei
ka kamram ba kyntang hapdeng shitnga ban bat
la ka jutang ba ki la smai?

Tiewbon : Khun, jia ba kim ia bat pat yn sa leh kumno?
Balei mo phi sngewthuh bakla haduh katta?
Tharai I Pyrsa i phla bad i wan pan map
phin leh kumno? Dei kane kein ka daw ba
nga sa iai ban ba ngi kum ki longkmie ngi
dei ban long kiba iaishah, ym dei kiba shu
law law jyndong jingmut: kum ka niangthangdoh.

Phyrnai : (Kem ktien Ka Phyrnai) Kaba dei kong kaba
phi ong, tang ba....

Tiewbon : Phyrnai, ngan buh ha phi kawei ka jingkylli
hato phi sngew dei mo, wat la u tnga jong-

phi um don shuh : ban leh ia kano kano kaba
ka pyrthei ka kdew kti bad ka ong 'em' ?

Phyrnai : Ia nga te hoid kein, nga don la ka business
bad nga lur kum ka masi baroh baroh shi-
sngi, ngan leit don por hi ban pyrkhath sa ia
kita kita baroh ! Beit nga wan sha iing bad
la ki khun bad kynjai nga thiah suk. Hynrei
kito kein kiba khlem kam khlem jam ..

Sianti : Oh, shisha mo, nga la klet ! Kumno kato ka
business jongphi ka long ? Ka iaaid bha em ?

Phyrnai : Mynta te ka iaaid bha phi Kong Sian haduh
ba ngam sngew lah talain shuh marwei. Nga
wan khnang hangne ruh ban ia kynduh ia I
Mano la I lait por ne em ban ia trei lang.

Tiewbon : I Mano ! In leh aiu kam ! Phi tip em ia ka
kamai doktor ? Ngam ngeit ruh ba i pyrsa in
shah ia i ban leit trei.

Phyrnai : Nga shu ong kein, ioh ba kumno kumno i
kwah pynskhem la ki kjat. Kum kane ka jing-
long I Bah Kynsai, tharai i ich noh ia i, in
kyrshan da ei ?

Tiewbon : Yn leit poi lei shaduh shata shata lada i Mano
i sian Lada jia ba poi pat shaduh uta u pud,
i Pyrse i hap ai bai bam em ?

Sianti : Mei, phi thrai i Kong i ba bieit seh ban shim
baibam na u briew uba la pynjem rngiew ia lade ?

Phyrnai : Ha kane ka juk Kong Bon, niar eh ka kyn-
thei kaba lah ban nguid kat ia kane ka jah-
burom.

(Mar kumta Ka Manosha ka rung. Ka long
ka longkmie kaba bha briew bad ilub ka
main ka maian. Ka don ka khmat kaba i
jemaud, ba i khuid jingmut jingpyrkhat bad
ba i kut jingmut.)

Manosha : Wa ! I Kong Phyrnai du ! Shano ka Iyer ka beh kumne ! Phi la ap slem ne ? (Nangta ka phai sha ka kmie bad ka para) I Mei bad I hep pat, phi la ia wan slem ?

Sianti : Phi leit shaei eh baroh shisngi. Ngi ap haduh ba la sahkhrai u syngkai : ngi la ia mut hi ba lada phim wan sa katto katne por, ngin leit noh.

Manosha : Ani ! Phim tip seh, la lut ka Police Bazar ka : Iewduh baroh kawei.

Phyrnai : Phi ia thied aiu eh haduh katta katta !

Manosha : Yn nai ong seh Phyrnai : phi tip hi em, ki jnit ki jnat. Ngi ia wan lang bad I Kong Byrdi; i to i dang phone hangthie. Ani, i ba la bha mynsiem sat !

Sianti : (Kren siat) Yn ioh tri w na ei kum mai ! Ju don h i ba leh sbun khlem daw ! Tang ki-ba lap ia ka daw kein kiba stad ! Don ba shemphang ia ki khriang jong ki ktien jali jaum ! Ym dei phi ia bam lunch lang em mynhynne ?

Manosha : Oh, em phi ! I don date bad u boyfriend hynne ha Polo.

Sianti : (Da kaba peit suh) I Kong Kynsai pat de ! I wan bam lunch hynne ha iing ?

Manosha : Hynne te em phi Sianti. Haba im da bun kam eh ha hospital i wan hi. Im lait wan mynhynne namar ba bun ki emergency cases

Sianti : Emergency ! Kumno mo kumta ?

Manosha : Ia kata te ngan leit tip shaei mo Sianti. Yn-
da phi la shongkurim slem kum ma nga, leh-
se phin nym don por ban bniah shaphang
kita kiei kiei baroh. Ngi iaid da ka jing-
shaniah ka jingieit.

- Sianti : Jingshaniah jingieit ! Haduh bym don por shuh
seh ban kylli ia la u tnga tang ia kata ruh !
- Tiewbon : Sianti, lada phi long ka biew kaba stad: phi
dei ban shaniah ia la u tnga. Ka jingbym-
shaniah ka bam duh kum u kruin ia u
dieng ba jyrngam ka jingieit.
- Manosha : Haduh mynta, u kpa um ju pyndik ia nga
wat tang shiwat ruh, te, kumno kein ngan
tharai sniew ia i !
- Sianti : Lada kumta, phi long ka biew kaba donbok
kein ! Ne kumno ?
- Manosha : (Ryngkat ka dait thylliet) Ym dei kaba don-
dom, Sianti ! Kaba stad kein !
- (Wan rung Ka Byrdi, Ka long ka biew ka-
ba kynthnik kynthnak bad ba riam style bha.
Ka khmat jong ka ilup jem katba ki khmat
pat kiba suh sianti)
- Byrdi : Phi ia don party ne, katne jrain !
- Sianti : (Ryngkat ka rkhe) Party aiu phi Kong Byrdi :
phi lah ban shu ong ka kynja jingia kynduh
ryngkhat kumba eit u moit. Ngi la ia mut
ban ieng noh hi lynda I Kong I wan kloir.
- Manosha : (I pynithuh ithaw) Kong Byrdi, ine i dei I
Mei, I ne pat I Sianti, i para jong nga, bad
ine pat I Kong Phyrnai, i paralok ba ia ieit
ia sngewbha.
- (Baroh ki ia khublei markylliang)
- Byrdi : (Ka phai sha Ka Tiewbon) Nga la bna sha-
phang jong phi, tang ba ngim pat ju ioh-
lad ban ia kynduh. Nga ngeit phi ia shaid ia
khlain baroh hi em !
- Sianti : (Da kaba peit shin ia ka riam) Kine kiba

dang thymmai ne Kong Byrdi ?

Byrdi : Hoid Thei, kine kiba nga dang shu phong
dang tang mynta ka sngi hi.

Sianti : Oh, hoid ! Ba phi ia don date em mynta ka
sngi ha Polo ?

Byrdi : Mano ba bsap kum ia kata ka jingmut ha ka
jabiang jong phi, Kong Sianti !

Sianti : Ban len kaba suk, hynrei ka shu long kum-
ba tap eit miaw, ka jingsma hi te ka don.

Manosha : (Leh mynleh kyndit) Em phi Sianti, kam dei
kumta, (Ka phai sha Ka Byrdi) Ym dei ba
don : nga shu pyrkhat ba I don. Phi tip ba-
lei ka pynpyrkhat ia nga kumta ? Namar, nga
tang shu ia kynduh ia phi hadien lunch, nga
iohi ba ka khmat jong phi ka da iphuh shi-
sha : kaba pynpaw ba ka dohnud ka tngen
ka kmen.

Sianti : Kong Byrdi, kan myntoi aiu ban len, iathuh ia
ka hok.

Manosha : Kong Byrdi (thap kren danda arta), phi wat
ju bicit. Ym ju dei ban shu plie hormaria ia
ki khuin ba buhrich ka dohnud. Ailad ia ki
lod ban ia trud khlieh.

Sianti : I Bah Ksanlah pat kumno, I shait I khlain
bha ?

Byrdi : Haba nga telephone myntan te, I shait I khlain
bha.

Phyrnai : De, kum u lok jong phi te, yn ioh briew na
ei ! Uba la suh syntiew bad thung syiem sat
ia phi.

Byrdi : Ia kata te ym lah len : ka pyrthei ka iohi
bad iohsngew : uba lah bad pynhun ia ka

dohnud jong nga. Kat kaba nga ang u ai
beit haba u don.

Phyrnai : Kam pynkhynniuh rih pat ban ioh u tnga uba
ieit iap haduh katta ! Ioh jia pat kumno
kumno u lap ba phim long kumta, te ym la
rew !

Manosha : Phi ruh Kong Phyrnai kawei : U bapli un dang
don khmat ban iohi bad shkor ban iohsngew
haba ula ieit iap haduh katta ! Phim tip ba
ka jingieit ka matlah bad ka kyllut. Ka rben
nian-nian kum ka snieh kyndet. Ha kane ka
liang ki shynrang te ki tlod, ki kynthei te em.

Byrdi : Kaba shisha Mano ba nga lah eh ban long
ym kumba u bapli u pyrkhat : hynrei kumno
pat ki khmat jong u kin sakhi pyrshah iala
ka dohnud ! Kaba donkam ia ngi ki kynthei
ka long ban pynbiang. Tang katta ka dohnud
u shynrang ka la um weh-ja-lweh.

Manosha : (Ka don ka jingsawa pah kali) Ani ! I kpa
I la wan. Kata ka dei ka kali jong I. (Ka
leit sha jingkhong it ban jngoh ; Nangta ka
pyrta) Kpa, kpa, phi la wan ne ! Rung, I
Kong Byrdi ruh I don lang hangne.

Kynsai : Hoid kmie, ong ia I ban nang ap.

Manosha : Ani ! I kpa bapli I la thait hi iop Ka puid
briew aiu baroh baroh shisngi.

Sianti : (Ryngkat ka peit suh sha Byrdi) Nga ngeit im
shym ioh wat tang ka lunch ruh baroh shi-
sngi. Synei u bapli ula thngan. Peitbha Kong
ioh u iap-tyrsaw.

(Wan rung U Kynsai. U long u briew uba
la metiaw shiteng rta ; uba jrong tad ba i
main rangbah).

Kynsai : Waw : nangno phi ia poi katne katne khru !

(U phai sha ka Manosha) Phi leh aiu kmie
baroh baroh shisngi ?

Manosha : Ngi ruh ngi dang shu ia rung phi kpa kumne.
Baroh shisngi ngi ia leit siew bad I Kong
Byrdi haduh ba nga la sngewthait hi ian.

Kynsai : Phi ia thied aiu eh katta katta, kmie ? Phi
la ia dep lunch baroh em ?

Sianti : (Kren siat) Ani ka jingsbun jong phi te mo
Kong ! I Kong Byrdi hana, i ong ba i ia
bam lunch bad u samla hynne, phi bna ia
kata Kong ? (Ryngkat ka rkhe artad).

Kynsai : Phi ong kumta hep ! Uei eh uta u samla uba
la donbok phngar haduh katta ! Ioh dei ma
nga ei ! (U rkhe artad bad ka leh mynkren
ia I Kong Byrdi) Are, Kong Byrdi ! Katno
spem shuh ba ngim shym ia kynduh ! Phi rieh
shaei ? I Bah Ksan pat, I don ha shnong em ?

Byrdi : Dang myntan myntan nga phone sha I bad
I ong ia nga ba in leit sha Gauwahati, bad
I lah ruh ban sahmiat.

Kynsai : Phi ong kumta, haba kumta phim kynjah ? Te
balei ka phim wan bam dinner noh bad ngi.

Manosha : Hoid kein Kong Byrdi, wan noh bad ngi ia
rat mynta shimiet.

Byrdi : Phin khuslai lei shaphang jongnga. Shimet ia
lade ngam ju khuslai : tang ar slice ki ruti
bad kawei ka pylleng, ka la biang em ! Nalor
ba nga la thait, ngan leit pynsalia sa ia rat
ka bam.

Kynsai : I Kong Byrdi ruh im treh; yn leh kumno
kmie ! Nga ruh ngam tharai ngam poi iing,
namar don bun ki case apendix ki bym long

Manosha : Da wan bam shuwa ha iing kein, sa leit. Phim nym puid briew baroh shimiet! Wan noh sha iing kein.

Kynsai : Phi ju rung ha operation theatre kmie? Shisien ba phi la puid, dei ban pyndep. Ym ju step, ym ju don sngi, ym ju don miet. Shisien ba ngi la rung ngim ju thikna shuh lano ba ngin mih.

Sianti : Phi te mo Kong! Phi la ioh ka profession kaba kat ka profession. Shu kwah leit shaei shaei ong beit ba don ki serious operation case ' ka iaidei beit la ka iaidei em!

Manosha : Sngewbha seh Hep, wat ju biah pongrai ia ka jingsuba sniew. Ngam ngeit ba I kpa in leh kumta! Khatsan snem ngi la ia shong ia sah ryngkat, dang don jaka hi ban dang pyrkhat kumta!

Kynsai : Hep, ka jingtharai sniew ka dei ka jingpang kaba bam duh khoit ia ka bor jabieng bad bor mynsiem. Tip sa tang ba la kumno eh ba ngan nud ban leh kumta ia la ka tnga.

Byrdi : Nangno yn ioh ka longiing kaba dap da ka jingieit bad jingshaniah kum ka jong phi: kaba thei sei kum ka umpohliw bym ju rngad. Khatsan snem phi la ia shong ia sah dang don jaka hi ia u ksain ' ka jingtharai sniew ban suh sopti halor jong ka.

Kynsai : Kong Byrdi, wat ' la ngi la iashong iasah khatsan snem, pynban nga sngew dang kum mynhynnin.

Byrdi : Ani, nga la slem! Wat sngew ei ei ho ngam shu iaidei noh shuwa.

Kynsai : Ap, ap Kong Byrdi, ngan sa leit buh ia phi bad ngan sa leit sha hospital.

(Ka Byrdi ka ai khublei bad ka mih noh.
Bud sa U Kynsai. Ka Manosha mynta ka
sdang ban pei)

Phyrnai : Nga ruh Kong Manosha, nga la slem. Nga
wan khnang ban iawer trei lang noh bad
nga. Ki order kila bun palat haduh ba ngam
lah talain shuh marwei.

Manosha : Sngewtynnad ha . ka jingshisha : hynrei ia
mynta shikhmat ngam pat don jingmut te
phi. Nalor nangta ruh seng dang ruh ngam
don.

Phyrnai : Shaphang kata, Kong Manosha, wat leit khu-
slai, nga la tip na dong ha dong. Wat la
phim pat lah rai mynta ruh, ka jingkhang ia
phi ka plie. Shu iathuh ia nga ka la biang.
Te, nga la leit shuwa. I Kong Sianti bad I
Kong Tiewbon, phin dang ia shong em ! Ia
lade ba jan yn sa lei ka. To khublei baroh.

(Ka Phyrnai ka mih noh)

Sianti : (Ka phai sha Ka Manosha) Kong, ha ka jing-
shem jong nga, kine ki shynrang kim ju kren
khuid te phi ! Teng teng pat ki kren holy
holy, ki kam pat

Manosha : Hep wat leit pyrkhata ba ki khmat jongnga ki
khapbrip bad ba ka jabieng ka shong thait. Ju
don mo ka briew ka ban shah shukor haba
kam mon ban shah ! Wat ju ngeit ba ki shynrang
ki long kiba stad; tang uwei ryngkhat haei.
Ban ia I Kpa dang shalak Ka Wanpli ha kane
ka bynta.

Sianti : Phi la lap ia u ksaai Kong. Bunsien ki shynrang
ki pyrkhata ba ki long kiba stad; phewse ! Jait
ba phi kren shaphang I Wanpli: shisha ki khua
ki la long kumno ?

Manosha : U Blei uba sbun hep : ki shait ki khlain baroh; tang bà ngam kwah ban wanrah ia ki sha iing; ieh ki mat shong ha hostel. I Wanpli I la lait Class IX mynta. Ki shynrang te kiba syntan... hapdeng hapdeng, hap ban mai ia ki: hynrei ki don pat la ki jinglong kiba phum lah khlem da ieit ia ki. Nga ngeit baroh ki shynrang ki long kumne: kiba beit shijingmut shisien ba ki la ieit bad shariah. (Ka phai sha Ka Kmie) Ym dei kumta Mei ?

Tiewbon : Mamo khun, nga ngeit phi dang ieit dang sngew-bha hi em ia I Pyrsa ?

Manosha : Phi ong lei kumta Mei ?

Sianti : (Da kaba i leh pisa) Nga te nga la ieit ho ! Sa nang ia bteng hi.

Tiewbon : To khun, Ba phi la plie ia ka khmat ruh ka la biang. Sa peit ia ka ja ka jhur.

(Ka Sianti ka mih noh)

(Ka Byrdi ka phai sha ka Manosha kaba dang ngam ha thwei jingpyrkhat)

Khun iathuh hok ia I Mei. Phi dang suk ban shong ban sah ryngkat bad I ?

Manosha : Balei, phi ipher ei ei ne Mei ha ka durkhmat jongnga ?

Tiewbon : Shabar ym i don duk don dak ei ei. Shapoh nga iohi ia ka jingkhik phaloh dohnud. Ki jingmut jingpyrkhat jongphi ki suh jngai jngai bad ki kyan kum u tden hapoh u bun.

Manosha : I Kpa I don baroh ki jinglong babha la kum u kpa ne u tnga. Kine ki jinglong ki pynbor ia nga ban ieit ia I Kummie kummie ngam nang jubah ia ki jingkyll jongphi Mei.

Tiewbon : Nga kmen kmen ban tip ba phi iohi ia kine ki jinglong ha I Pyrsa. Wat klet khun ba tang

ka pung kaba jai-jai ka phalang ia ki khur
ba phynai. Ki kynthai kiba stad ki hap ban
bisher bad-dien bad-khmat.

Manosha : Tangba, Mei, wat leit sngewthuh bakla ba tang
ki jinglong babha ki biang ban tei ia ka longing
longsem. Kim kot ban pynshisha ba ki long tang
ma ki, ki mawnongrim jong ka jinglong kpa
ne ka jinglong tnga: ka jingiamit jingmut lang
kein ha kiei kiei baroh, ka long kaba kongsan.

Tiewbon : Kaba dei khun, hynrei bunsien ha ka jingim
ngi hap ban iasuk bad bun kiei kiei: namar,
katba ngi dang kwah ia ka jingsuk ngim bit
safia ban pynthut ia ka. Ia ka jingsarong tdot
ngim bit ban aifad ba kan shongkulai.

Manosha : Ia kata kaba phi ong Mei ngam pei.

Tiewbon : Ka long kumne kein khun. Ki briew ha kine
ki sngiki la siannsniew shaba palat. Ki kren kumba
kim bna ei oi ruh em: phewse, ha ka pliang
dohnud ki pynshad ngiew kum uthlen. Ki leh
bieit pyrthei: ki kam pat phin da king janor.
katba rymmiang shyntur jali jatun ym lah thew
tarajur. Namar kata, nga don kane ban ong:
lada jia kano kano kaba sniew, wat klet ban
pathai sha ki shkor jongnga. Wat ailad ia ka
jinglehrain ne ka jingsarong kin tyllap ia ka
jabiang jong phi.

Manosha : Ban lyndet na phi, te Mei, em Phi kaba kha
kaba pun phi dei ban tip.

Tiewbon : Phim i khuh, ngi ieng ha ki sngi kiba eh sat.
Dang myrshisngi iwei i paralok i wan ban
iam ban ud ha nga ba u tnga jong i, hana,
u iaid nalar. Nga ta bthar ia i ba shisyndon
i dei ban iathuh ha la ka song ha kmie: pyn-
ban i ong ia nga ba im lah ban leh kumta
namat ba i la khang ia i shuwa ba in iapoi
bad u.

Manosha : Haduh mynta Mei, ngam sngew lah ngeit satia ba u Kynsai un leh ia kine kiei kiei da la ka jong ka mon : ngam don jingngeit satia ruh ba u lah ban ichnoh ia nga.

Tiewbon : Tang kane kein khun kaba phi dei ban kynmaw : lada u tnga u ichnoh bad lyndet ia la ka tnga, ka tnga kam dei ban kynnoh pop iano ruh, Shisyndon ka dei ban twad ia la u pan-khyllong.

Manosha : Ha kano ka rukom mo Mei ?

Tiewbon : Da kaba shai nga la kren ha ine i paralok ba lada u tnga jongi u iaid nador, kata ka pynpaw ba kiwei pat ki kynthei ki dang lah ban ring kham pynsngewbha ia u. Phi lah ban ia-thuh ia nga khun balei ka kynthei ka donkam ia ka jinglong sngur ?

Manosha : Tang ki kynthei seh Mei, kiba dei ban long kumta ?

Tiewbon : Phi i khun, ka jingiapher ka shong hangne. Kum ki kynthei ngi don ka jingkitka ba kham kyrpang Ki khun ki kti, ka jait ka kynja, ka ung ka sem bad wat ka kyrdan ba ka imlang sahlang ka dei ka jongngi. Hato tang kane kam la biang ban pynlong ia ngi kiba stad bad ba phikir ?

(Ka Manosha ka khot ia u Shonrai bad bthali ei ei)

Manosha : Peit shane Ma Heh : I. Bah Donbok kumne i la wan ; hynrei lada jia ba ki wan kiwei kiwei lait pa i ; shu ong ba i Kong im don ha iing. Phi la, sngewthuh am ?

Shonrai : Hooio Kong ngela sngewthuh. (U mih noh artad)

Tiewbon : I Bah Donbok ! I ba nangno ?

Manosha : I to kein Mei, i ba wan thuit shi thuit haba nga dang samla. I la propose bunsien hynrei ngam treh.

Tiewbon : Haba kumta, i donkam aiu pat mynta ?

Manosha : Kawei nga tip shai Mei ba ka jingieit jong i ia nga kam put tlor. Hynrei naduh ba nga la iathoh ngam ju ia kynduh shuh.

Tiewbon : Haba kumta, phi ju iathoh shithi ?

Manosha : Phi kren bieit lei kumta Mei ! Ngan iathoh shithi haei bad u briew u ba ngam ju ia kynduh la mynta khatsan snem ! Tang kawei kaba pynlyngngoh ia nga ka long ba man ka sngi kha i ju phah syntiew ryngkat ki present. I phone ia nga mynhynnin bad i pynpaw ba i kwah ban wankai.

Tiewbon : Mynta ka sngi seh !

Manosha : Em phi Mei.

Tiewbon : Te, balei pat shu i kylla bad dur bad dar ?

Manosha : Ioh i pyrkhat ba nga la tymmen ei !

Tiewbon : Kata kan pher aiu haba phi la don la u taga ! Un pyrkhat ba phin long kajuh hadien khat-san snem ! Ko shapuloit ! Ioh kumno kumno u wan, ngan mih noh ma nga shuwa.

Manosha : Em, em Mei, shong.

(U Shonrai u wan iathuh ba U Donbor ula poi. U long u briew uba shai sniehdoh, ba metbah bad ba khlain ba ksah : ba la shiteng rta).

Wa, i Bah Don du ! Jlang ngim shym ia kynduh shuh : phi dang kynmaw em ia i Mei ?

Donbok : Ma i pynban kein iba lah ban klet. Phi la shaid ia khlain baroh em ?

Tiewbon : Bha ba phi ong kumta phi Bah Don.

Manosha : Shong shong, ngin la dih noh da ka sha jait ba ia kynduh kumne shisien shisien.

Donbok : Kot ym lei lei Mano : nga dang shu dep kumta kumto.

Tiewbon : Ki bna ba phi don sha Delhi ? Lano pat phin leit ?

Donbok : Nga dang sah phi Kong sa katto katne bnai. (U phai sha ka Manosha) I Bah Kynsai pat kumta i long ? I shait i khlan hi em ?

Manosha : (Da kaba aidak artad ia i kmie ba in leit noh) I Kynsai i khlan. Mynta i don emergency ha hospital.

Donbok : I para jong phi pat ? I dang marwei ?

Manosha : Hoid Bah Don, I dang kumta hi.

Tiewbon : Manosha, nga la slem pala. La katno baje katto ?

Manosha : La miet phi mei, phi la dei ban leit noh ioh ym ioh taxi shuh la shibit.

Tiewbon : Kata ngan shu ieng noh. Bah Donbok, sa nangshong ma phi.
(Ka Manosha ka leit on haduh jingkhang)

Manosha : (Tang shu leit ka kmie) Bah Donbok, ale kham hajan, ngin shu ia pasiaw jar jar.

Donbok : Kata ruh ka bha hi : tang ban shu iohsngew ei ka khlieng ka tyngab.

Manosha : Phi te Bah Donbok, u juh : khlem duna ei ei ruh em. Mynta nga la dap 36 snem.

Donbok : Mano, ka snem kam don jingphar ei ei. Ju tymmen baba ka jingieit ka don !

Manosha : Haba nga ioh ia kato ka shita, nga la sangat-khusai haduh yow. Ha ka jingshisha nga la

mut ban nym jubab, pynban ka mynsiem kam shah. Phim iohi ba ki khohsiew jong nga ki kiuah sah !

Donbok : Ba dang sah nanglit kein. Tad ynda phi la mad ia ka, kan syrpaia ia ki jingkhrew baroh : hangta phin sa ryngkoh puhmat kum ka 'kei lympied

Manosha : Ngam tip shuh phi : phi te uba la danda shisha Ngam tip balei pap ka leit long kumto : tang shu iohi ia phi shu jem web khyrweb ki khnap.

Donbok : Manosha, phi tharai kam ktah seh ia nga haba nga iohi ia phi ! Khatsan snem mynshu-wa, phi long shisha ka samla kaba bhabriew : mynta pat phi long ka briew kaba lub baroh shirynieng. Phim tip seh, haba tang shu iohi ia phi shu long hoin ka mynsiem.....

Manosha : Te balei ka phi shu shong khyrweb sah haduh mynta ?

Donbok : Nga la ieit shisien bad phi la kyntait ia ka. Kata hi ka jingieit ka pynbor ia nga ban sah kumne. (U dem ka khlieh)

N : Map ia nga Bah Donbok, lada nga la long ka daw jong ka. Ka hynnin ka don la ka khubor bad ka lashai ka don la ka dawai.

Donbok : Phi la kyntait ia nga namar ba nga long uba duk, koit kam pher ei ei : mynta ngam long shuh kumta. Ngam don daw ban kynnoh ia phi ba phi shongkurim ia u Kynsai : ka dei ka nusib jot jong nga hi. Pynban halor kine baroh nga kmen' pat ban tip ba u ieit u sumar ia phi.

Manosha : Khublei shibun Bah Donbok : nga kmen ban tip ba dang don kiba pyrkhat lem namar jongnga.

Donbok : Phi pat, phi iei hok em ia u, kumba u u iei ia phi ?

Manosha : Ia kata ngam lah len. Nga ju duwai ruh ba ki aiom shongpyngad kin beh halor jongphi.

Donbok : Manosha, ngam lah khlem da khlei ia la ka dohnud ban iathuh ba nga dang iei ia phi kumjuh : pynban ngam mon ban thlieh ia ka dohnud u Kynsai. Shim ia nga tang kum u-wei na ki paralok bajan eh jongphi uba kloiban kner ia la ka kti ka jingiarap ha kano kano ka por ba phi donkam ia nga.

(Ka jingkhank ka plie bad U Kynsai u rung)

Kynsai : Map ia nga, ngam pyrkhat satia ba don briew.

Manosha : I Kpa du ! Phi dang shu wan ne ! (Ka Manosha ka pynithuh ithaw) I ne I dei I Bah Donbok : Phi dang kynmaw em !

Kynsai : I Bah Donbok shisha; nga la jan thap klet. Phi iashaid iakhlain em ? Ani, la slem jlang !

Manosha : I dang shu poi shem ha kine ki sngi : I trei ha Delhi.

Kynsai : Phi ong kumta ! Phewse, nga dang kwah ban ia shengkai, hynrei ka kam kam shah. Ki don bun ki emergency case ngan hap ban attend. Haba kumta balei phim bamja noh syndon hangne ! Shano shuh phin leit wat bam katta miet !

Manosha : Nga ageit phin don engagement ei ei em Bah Donbok mynta ka miet ?

Donbok : Ia mynta te em, Kong Manosha.

Kynsai : Kata ka la bjang eh kein. Nga la leit.

(U Kynsai u khublei bad u mih nofi)

Act. II

Ha kajuh ka kamra shisnem hadien, Ka Sianti ka pule kot Khubor bad U Shontai u wan iathuh ba U Bah Donbok u wan, Ka bthah ia u ban tung

Sianti : Wa ! I Bah Don du ! Phi dang kynmaw em ia nga ?

Donbok : Malu mala, haei kumto ?

Sianti : Wa ! Ma nga I Sianti kein !

Donbok : Phi ong kumta ! Nga la thap klet, Phi dang khunlung te ha kito ki por,

Sianti : Phi donkam ia I Kong em ! Sngewbha ap khyndiat I dang donkam : Phim kyrkieh em !

Donbok : Than, te em, (Ryngkat ka wiat muin)

Sianti : Nga sngew phi ong ban ia leitkai sha polo !

Donbok : Ngi ia mut kein, Baroh baroh te phi ki ong ka jingialehkai mynta ka sngi kan itynnad bha,

Sianti : Ki ia bna kein baroh baroh, Haba kumta phi shem kumno ia ka Shillong mynta bad mynkhatsan snem ?

Donbok : Ka la kylla bun phi, Khamtam hadien ba ngi la ioh la ka state, La kylla naduh ki briew, haduh ka riam ka beit, ki ling ki sem, ki lynti ki syngkieng, ka ioh ka kot, ka trei ka ktah bad kumta ter ter, Nga la kylla nongwei pynban ma nga kein, Na ka bynta kata, nga sngewnguh eh ia I Kong, Manosha bad I Bah Kynsai kiba la leh sbun eh ia nga, Kim shym klet kum kiwei kiwei,

Sianti : Phi ia ithuh bha em bad I Kong Kynsai ?

Donbok : Ia kata te yn pyla lei ! U long u briew uba bha bad basbun, ba jynsur mynsiem bad ba pariah parai,

- Sianti** : Nga dang kynmaw ia kito ki por ba phi wan kai. I kong I don bun bha ki paralok. Phi ruh phi don jingmut ia I Kong ha kato ka por ym dei ?
- Donbok** : Ia kata pat phi ! Para samla ia shynroin shynriap kein kumto.
- Sianti** : Ha ka jingshisha, nga la pynong lem ia I ban pyrkhath ia phi. Hynrei ka long pynban khongpong... ka nasib phi. Ha lade ngam sngewthuh balei I leit mon ia I Kong Kynsai.
- Donbok** : Ba I ieit kein, ia kata ruh phim sngewthuh ! (U rkhe artad) I Bah Kynsai I don ka pdok kaba heh. Nga pat kum u 'nailum. Bun ki briew ki lyngngeit ia la ka jingim ha ka spah bad ki hun ban long mraw hangta. Phim ju iohsngew seh kumno ki briew mynta ki ong ! Ia ka spah ngin ia khroh : Ia U Blei ruh ngin iaroh !
- Sianti** : Ngam sngew lah ngeit phi Bah Don Haba kumta, iathuh hok ia nga, phi dangieit em ia i ?
- Donbok** : Balei mo Sianti phi kyli sa ia kita kita baroh ? Katno ka rta jong phi kumto ? Phi la palat em laiphew ? Lehse kata kaba la pynlong ia phi naughty and faulty.
- Sianti** : Ong katba phi ong Bah Donbok : shisien ka sngi phin sa kynmaw ia kaei kaba nga ong. Phi tip ne em ba I Kong Kynsai i long unfaithful ia I Kong ?
- Donbok** : Ko padiah siangsdieh ! Don ba ngeit hi kum ia kata !
- Sianti** : Ju don bangeit hi ia ka jingshisha !
- Donbok** : Khatei I Kong Byrdi pat I iaroh bha ia ka long iing jongki !

Sianti : Thylliet tyrpud ! Phi tip I ei I Kong Byrdi ?
I girlfriend jong I Kong kein !

Donbok : I don la u tnga em !

Sianti : U Ksanlah phi mut ! Uto te u alu niangbam
tyngka kein. U pyrkhat namar ba u ieit, ka
tnga jongu ruh ka ieit kumjuh : bad um don
por ban pynsngewbha ia ka.

Donbok : I Kong Manosha pat I tip ia kita kita baroh ?

Sianti : Shano in leit tip ! Namar ba I Kong Kynsai
I leh ieit leh sbun i ngeit hok ba I Kong i
ieit shisha ia i.

(Ka Manosha ka rung bad ka Sianti ka leit
noh sha kawei pat ka kamra bad ka leh myn-
leh thoh shithi.

Manosha : Bah Donbok, phi la ap slem ne; map ia nga.

Donbok : Phi leit khuslai lei ia kata,,ngan iai ap hi ia phi.

Manosha : Balei mo Bah Donbok ki khmat jongphi ki i
peit-jylliew sat ! Phi buhrieh ei ei ne na nga !

Donbok : Peit jylliew !.....

Manosha : Phi tharai ngam lah seh ban pule lymba ia ki
khmat jongphi ! Ha ka por ba phi rung I Sianti
I don em ha kamra !

Donbok : Hood Manosha, bad i iathuh ba i ap ia I
Kong Byrdi ei ! I shong tang shiphang hi bad
I rung noh sha katei kawei pat ka kamra.

Manosha : Phi la ia pur khana em bad i ?

Donbok : Khyndiat khysoit shaphang ka jinglong ka Sor
Shillong.

Manosha : (Mar kumta i la pei bad i iehnoh hangta) Ka
por kala biang em Bah Donbok ?

Donbok : Wat khuslai ia ka por; kan ap hi. Kane ka
kamra jongphi kaba sagewjuh sat ban shong.

Manosha : Nga dedorot hi nadong hadong haduh ba i Kong Phymai tywa ban ialeh decoration business noh.

Donbok : (U ioh kabu khynchat ban phie) Balei phim suk ne ban shu shong ha iing ? Khatei phi ioh katba ang te au shuh !

Manosha : (Leh kyndit) Phin leit ryngkoh lei shaduh sha ta tang namar ba kwah ban trei ! Teng teng thait phi ban shu shong ang ang ha iing : hynrei tang na ka bynta i Kpa nga la kyntait ia ka jingtyrwa.

Donbok : To nitma nyngkong eh nga pynpaw ia la ka jingngewnguh ba phi la leh shun eh ia nga haduh ba ngam sngewkwah leitphai shuh.

Manosha : Dei hi ban sngew kumta kein haba phi wan shisien shisien : hynrei ngan shym leh ei ei pat haduh katta kat haduh ba phin da sngewnguh ia nga.

Donbok : Phi la ailad ia nga kein ban wan jngoh ia phi, Ngeit phin nym sngew ei em lada nga pynpaw ba nga dang icit hi ia phi kumjuh !

Manosha : Yin sngew au ka sa rarar kata : ngi dei hi em ban ia icit iwei ia iwei pat ?

Donbok : Poff Ho Manosha, wat tase ia nga.

Manosha : Teate ia phi Don jingbatta ba nga ong kumta ! Hynrei nga kimen pat ban tip ba dang don kiba icit bad pyrkhat shaphang jongnga (Ka dem artad la ka khlich)

Donbok : Manosha, ka dohmud jongnga kam lah khlem da phla ba nga dang icit hi ia phi kumjuh kumba myn khatsan enem. Nga la pyrsang ban wad ka jubab hynrei ngam lap, balei shi balei ba jingleit kam sngewnguh nga. Nga la pyrsang ban daniel tad atee, hynrei katba

nga' rang khniot ba' nangpynklet kata ka nang
rasong. Ban khlei ia ka jingshisha, nga icit ia
phi shiphew shah tam mynta ba' ia kaba myn-
shaw.

Manosha : Hynrei Bah Donbok, nga kyrpad ba phim dei
shah ban dang icit ia mynta da kata ka jingcit.

Donbok : Manosha, ia kata nga tip hynrei ngan leh
kumno! Map, lada nga la pynmong ia phi.

Manosha : Ngam sngewthuh shuh Bah Donbok kumno ka
jingcit jong phi ka iai neh sah hajuh? Dei
namar ba phim shym roh satia ban mad ia ka!

Donbok : Nga nang khmih lynti ba phin rkhe bein haba
nga ong kumta. Shlynter nga la khapbrip tiaw
ia ka pyrthei tang namar jong phi. Phi ngit
ia kata?

Manosha : (Da kaba i kmen) Nga ngit Bah Donbok.
Hynrei balai kein phi pynpaw ia ka mynta?

Donbok : Khnang ba ka dohnud jongnga kan sting na
ka jingban khia jong ka, namar ngam sngaw
shah kan shuh ha lade. Lehe Kong Manosha,
ka por ka la biang, ia ngu ia leit noh.

Manosha : Da ka Maruti em!

Donbok : Em, Manosha, da ka Ambassador.

Manosha : Bah Donbok, ap ia nga jingjang. (Ka rung sha
kamra chiah. Mar kumta wan rung sa ka Byrdi.)

Byrdi : Wa I Bah Donbok. Nga da donkam kyrkieh
kyrkieh eh ia I Bah Kynsai : hynrei ngam lah
rung namar ba bun ki nongpang. Nga la shu
baba ia U Shonrai ban iathuk.

Donbok : Nga run ngan lah noh hi sa khyndiat por
Kong Byrdi.

Byrdi : Wat sngew ei ei ho ba nga pynthut ia phi.
Phi ap ia I Kong Manosha?

- Donbok** : Hold Kong Byrdi. Ngi ia nu: ban ia leit peit kai sha Polo jait ba khuid ka bneng kumne. Nang ap ma phi, ngan rung noh ha katai kawei pat ka kamra. (U rung noh ha kawei ka kamra. Mar kumta U Kynsai u rung)
- Byrdi** : (Da kaba kren jar jar) Nga sngewsih ba ngam banse ban wan.
- Kynsai** : Don ei ei ba long serious?
- Byrdi** : U Ksanlah u la lap. (Ryngkat ka leh kiuh baroh shitynieng)
- Kynsai** : Lap ia ei?
- Byrdi** : Ka cigarette case kein, napoh syngkhlieh Nga iohi I la suba jur bad leh bitar: bad u kyli ngi ialeh aju baroh shimiet.
- Kynsai** : Phi phla seh!
- Byrdi** : Em phi, ngan leit bleit shaei. Nga iathuh ba ngi ia bam dinner. Kynsan kynsan u ieng joit. U saw kum u kyieng bad u iaid wut khlem kyrtiang bad khlem kren.
- Kynsai** : Tang kumta!
- Byrdi** : Baroh shistep u khlem wan rung. U leit la ka leit sha jingtrei khlem kren. Nga iohi ia ka dohnud suba sniew hapoh jong u.
- Kynsai** : loh u bun kam ei!
- Byrdi** : Ngam ageit. Im ju long mynno mynno kumne.
- Kynsai** : Pyniaw triang bad leh holy hofy: ka shu dep la ka dep. Phim dei ban ailad ba ka khmat kan shukor ia phi. Lui lui kum ka paro bad sianti kum u 'seinher.
- Byrdi** : Phim iohi nga kiuh nakkhieh ha kjat! Ka jingiatip lem ka dung ka tynrah ngam sngew don pyrthei.
- Kynsai** : Ha kum kine ki kkep, wat ju long 'niangthang-doh. Thangaw ia ki jingangew baroh ban set-

ia ka jingsuba. Wat ju leh pher. Leh thik kumba phi ju leh. Kren kumba phi ju kren, khnang ba phin nym ailad ia ka jingsuba, Phi sngewthuh em !

Byrdi Phi ki shynrang te phim ju sngewthuh ei ei. Yn leh kumno haba ki khohsiew ki khieh hi kep kep ! Ka jingkiuh ka kiew na kjat ha khlieh

Kynsai : Peit shape : ka jingshisha bad kaba shu suba ka iapher : ym dei ?

Byrdi : Niuma, wat la um ioh sabut ban pynshisha, ka tharai sniew te ka sah em ? Lada u ia-thuh ia kane ha I Manosha ! Phin leh kumno ?

Kynsai : Phi tharai I Manosha in ngeit kum ia kata !

Byrdi : Tang kawei nga tip ba U Ksanlah u icit iap ia nga. Lehse tang da kane ka atiar ngan pyndonkam.

Kynsai Oh, lada phi lah lei ban leh kumta, uto u jem hi weh kyrweh kum u wang thadsngi.

Byrdi : De, ban leit paw pyrtnei shisha, te ngam sngew don khmat shuh. Phim tip seh katno I Manosha I icit I shaniah ia nga.

Kynsai : Kan leit paw pyrtnei lei ? Mano ban pynshisha bad da ei yn pynshisha ? Hynrei lada jia pat ba poi shaduh uta u pud, ngam banse ban phla ha I Manosha.

Byrdi . Kata te kumba tep peiseh syndon kein ia nga. Da lei lei phim bit.

Kynsai : Phi i Kong Byrdi, I Manosha i lah ban bitar shisien bitar. Horkit pat in nym pynlehair.

- Byrdi : Ia kata, hoid : ngan peit ne ngan khapbrip
ia i i
- Kynsai : I Manosha im long kum kiwei pat ki kynthei.
- Byrdi : Ani! nga da sngewkhuid sngewlait ksuid ba
ioh ia kren lypa. Hynrei baroh shimiet baroh
shistep nga lynga.
- Kynsai : Bat ia kane : pyniaw triang pretend holy holy.
Haba la ia bam sohtuh la dei hi em ban
jantang! Khie leit, da kren ia I Manosha shu-
wa ban mih.
- Byrdi : Hoid kein kan long khlemakor ban shu mih,
khlem kren. Kine ki jingleh ki shu ktah ia ka
jingiatiplem, hynrei kam don ei ei.
(Hamar ba U Kynsai un mih, Ka Sianti bad
U Donbok ki rung)
- Sianti : (Jali jaum) Wa I kong Byrdi du! Ngam shym
phohsiew ei em ban ia kynduh ia phi hangne!
- Byrdi : Phewse, ngam da donkam eh haduh katta...
- Sianti : Hoid kein : nga nangthoh shithi hangtai ; I
Bah Donbok I iathah ba phi wan ma phi.
- Byrdi : Nga shu wan consult namar I Kpa bad I doktor.
- Sianti : Kam da dei em kaba serious!
- Byrdi : I shu i raikhoh bad im da bam bha ha kine
ki sngi.
- Sianti : Kaba kum kata ka jingshitom te balei phim.
leit sha U Physician phi wan pynban ha u
Surgeon!
- Byrdi : Hynrei I Kpa pat de I shanjah te phi ia I!
- Sianti : Phi ong kumta! Nga la sngewthuh.
- Kynsai : (Shu leh mynleh kren biam) Ia nga te phim
donkam ei ei em hep! Tonsil ruh em : appendix
ruh em, em!
- Sianti : Ban leit loh sa kita kita te Kong ym la rew

- Kynsai : Ka kynthei kam ju lei lei phi hep. Katba ka dang don artylli ki kjat ban iaid kam donkam surgeon.
- (Ka Manosha bad Ka Tiewbon ka rung)
- Byrdi : (Tang shu iohi) Baieit jongnga, kumno phi long?
- Manosha : I Kong Byrdi du! La long kumno kito ki khohsiew?
- Byrdi : Ki shu pynshitom hi malu mala haba jia ba iaid than.
- Manosha : (kren dait) Phi te kaba lah shah slem hok. Ba ha nga hi te nga la wad da awei u doktor.
- (Ka don ka jingkyjah jar shiphang)
- Tiewbon : Nga la slem, ym dei Sianti? Phi la dom ne!
- Sianti : Em phi Mei, ngan leit dom lei
- Manosha : Nga ruh nga shu ia kynduh ia I Mei ha phylla. Kumta ngi shu ia kiew ryngkat noh sha kamra. Nga mut ban leit kai bad I Bah Donbok sha Polo.
- Kynsai : Bha kein tang ban laitkti laitkjat. Ka bneng ruh ka khuid bha mynta ka janmiet.
- Donbok : Kong Manosha, ka por ka la tan ho, kham pyakloi.
- Manosha : Ap seh khyndiat, dang don em ka por! (Hamar kata ka por U Shonrai u wan rah slip) Oh balei I da thoh da ka slip kumne? Haei I don? Ong ia I ban rung.
- Shonrai : To Kong, (U mih artad)
- Kynsai : Wan mano mo kmie?
- Manosha : Kong Byrdi, wat kyrkieh, shong shuwa.
- Byrdi : To Kong Manosha. Hynrei nga la kyrkieh te phi!
- Manosha : Ym don aongpang shuh em kpa?

Kynsai : Dang don sa arngut laingut. Balei kmie ? Nga mut ban dih sikret hynrei ngam tip shuh shano nga buh kato ka cigarette case. (U twat ia ki pla) Phim shym iohi lem kmie ?

Manosha : Ioh phi la kum klet ei hangno hangno !

Kynsai : Imat te phi, haei re haei !
(Ia ka jingkhang la plie bad u Ksanlah u rung)

Byrdi : (Leh kyndit) I kpa du !

Manosha : Sngewbha ia shong baroh. (I phai sha U Ksanlah) Shano ka lyer ka beh kumne Bah Ksanlah ? Te, balei ka phi da thoh da ka slip ?
(U Ksanlah u shu sngap bad peit baroh sawdong)

Ksanlah : (Ba la kiew than ka jingdom, u daif ia ka shyn-tur) Kong Manosha nga kwah ba phin tip ba u tnga jongphi pleng u dei U boyfriend jong ka tnga jongnga.

Byrdi : Balei kpa phi leit kren kulmar ?

Manosha : (Da kaba bat ia ka kti Ka Byrni) Sngewlyng-ngoh pynban: balei kein Bah Ksan phi leit kren kumta ?

Ksanlah : Phi mut ba nga shu pharep phlan duman ym dei ? (U sei artad ia ka cigarette case) Phi ithuh em ia kane ? Nga ioh ia ka napoh syng-khlich. Ka mut aiu kane ?

Manosha : Ani Bah Ksanlah ! Nga mut ka la jah ! (Ka shim artad na ka kti jong u) Khublei shibun Bah Ksanlah.

Ksanlah : (Da kaba dom) Ka mut aiu kata phi ong ? Kane kam dei ka jong phi ?

Manosha : (Da kaba kren suki bad jem ryngkat ka wiat rymmuin) Ka dei bah ka jongnga. Ngi ia shong

kai hynne mynmiet ha kamra thjah bad I Kong
Byrdi Kumno kumto imat ynda la ia bun khana
nga la kum buh ia ka hapoh syngkhlieh jong
I. Nga pyrkhat kala jah.

Ksanlah : Hynrei ka don ka kyrteng U Kynsai ha ka !

Manosha : Kaba shisha kaba phi ong. Ia kane la ai sngew-
bha da iwei i nongpang. Namar ba nga itynnad
ia ka, nga shum noh ha lade.

Ksanlah : (Da kaba peit pynheh ki khmat) Da kata phi
mut ban pynlong u bieit ia nga !

Manosha : Ia mynta shisien te, nga ngeit phi la bakla
phi bah. Ngan leit kam hi ka jong nga lada
kam dei !

Ksanlah : Nga tip ki ia bam dinner hynne mynmiet !

Manosha : Ym dei seh ba nga ruh ngam tip. Phi phim
don ha iing. Phi leit jingleit shano re. I Kong
Byrdi I iathuh ba i sngewtmang eh ban sah
marwei, te nga la khot ia I ban wan bam
dinner lang noh bad ngi.

Ksanlah : Phi mut ban pyngeit ia nga ba I Byrdi I
bam dinner bad phi hangne !

Manosha : Ym dei kumta ! Ne, I iathuh kumno ha phi ?

Ksanlah : Hoid Manosha.

Manosha : Ne, phi da kwah ban iaring saiphla ! Ngan khot
ia u nongshet ban sakhi ! (Phai sha U Kynsai)
Khot phi kpa khot.

Ksanlah : Em phi kong em ! Ban da ia ring saiphla eh
haduh katta te yn mai. Nga shaniah ia kaba
phi iathuh.

Manosha : Nga kmen ba phi don ia kata ka mynsiem;
namar phim mon ban pynpoh ia nga hakmat
ki nongtrei.

Ksanlah : (Ka jingtharai kam pat khuid) Phi ong hynne ba I Byrdi I bam dinner hangne bad phi, te kumno pat phi shong ha jingthiah jong I ?

Manosha : Nga sngewthuh ba phi dang artatien. Sngap ngan iathuh. I Kpa I leit sha hospital namar ba bun ki emergency case. I Kong Byrdi pat hadien dinner i kwah ban pyri ha nga ia ki jain thymmai ba i dang shu dep thied. Kumta, ngi ia leit lang sha iing jongphi. Ka dei ka miet kaba khuid bad phyrnai bha ki khlur, phi kynmaw em ?

Ksanlah : Ngan leit kynmaw sngi shaei ban peit sa ia kita baroh.

Manosha : Ynda ia dep I Kong Byrdi I sngewthait kumno re bad I kiew ha jingthiah; katba nga pat nga shong harud jingthiah ban iathuh khana.

Ksanlah : Haba phi ia thait te balei phim leit noh sha iing ?

Manosha : Namar ba I kpa kein. I ong ban wanshaw.

Ksanlah : Haba kumta, I wan ?

Manosha : Em, I khlem wanshaw. Shisien bitar nga la bitar; hynrei ynda I iathuh pat ia ki kam, nga jem noh bad nga sngewthuh.

Kynsai : Nga ngeit Bah Ksanlah phi sngewthuh ia ka kam jongngi kum ki doktor. Shisien ba ngi la rung sha Operation theatre, ngim ju tip shuh lano ngin mih. Ka kam ruh ka bym long ban buh teng.

Manosha : Kaba sngewsih Bah Ksanlah ka long ba phi la tharai sniew ia I kpa bad I Kong Byrdi. La katta ruti nga kwah hi ba phin sei ki sa-
khi satar-kiba bang ban pynshisha ia kane.

Ksanlah : Ngan ioh sakhi naei lait na ka cigarette case !

Manosha : Lada ka long kum'a phi la dei kein kum u rangbah briew ban tyngkan. Mynta haba phi shu leh shongshit kumne, phi iohi em shanb ka lam ? Phi la' dei shuwa ban thikna ym dei ban shu bam jakhluid. Kha-ma-kha shu jah-burong ei em ! Mynta da ei yn sait ! Ne phi mut tang namar ba phi riewspah phi lah ban kren katba phi mon !

Ksanlah : Map Kong, sngewbha wat da kynnoh seh haduh katta. Phim tip seh haduh katno ka dohnud jongnga ka pang ka kthang bad haduh katno ka jabieng ka lamwir haba nga tang shu lap ia kane ka Cigarette case hapoh syngkhlieh. Baroh ka jingieit bad jingshaniah jongnga ha I Byrdi ka ryngkoh thiaw. Nga da sngew kum ban lamwir shisha shisha.

Manosha : Oh ! Namar ba phi sngewlamwir ia lade phi mut ban pynlamwir lang ia ngi baroh ! Iathuh hok, ioh phi don sa da kawei pat ka jingthmu ne / Nga kwah ban iohsngew mynta ban ia khuid.

Ksanlah : Em Kong, khamakha nga pynlehrain ei ia lade em !

Manosha : Kaba shisha : phi tharai ngi ngim lehrain ! Kat kane ka kam rieh kam pohjait em !

Ksanlah : Nga pdiang ia baroh kaba phi ong, Kong Manosha : bad na ka bynta kane nga panmap na phi baroh.

Manosha : La phi panmap ne phim panmap, Bah Ksanlah : nga kren shai ha phi : phi la bet ia u symbai ka jingtharai sniew. Phi dei ban panmap kham-tam eh na I Kong Byrdi Iba la shah tangon ksew da ki ktien tohmet jongphi.

(U Ksanlah u leit sha ka Byrdi bad u kner ki kti)

Ksanlah Kmie, sngewbha map ia nga, nga la bakla.

Byrdi : (Shu leh mynleh) Wat wan hajan, wat ktah ; ngam kwah shuh.

Ksanlah : (U phai sha Ka Manosha da ka khmat kaba khia) Phi i em Kong Manosha, haduh katno ka bishni ka pynjot ?

Manosha : Bah Ksanlah : kane kam dei ka jingbishni : beit ka dei tang ka jingbieit bad jinglong law law khlem pyrkhat.

Ksanlah : (Khroh ia Ka Byrdi) Kmie ale ngin ia leit noh sha iing.

Byrdi : (Kren khleh iam) Phi la pynjah burom ia nga, yn dang leh aiu shuh ! Phi la sloit lyngkhuid ia nga. Phi tip em katno nga ieit bad burom ia I Manosha ! Da kumne pleng phi shet !

Ksanlah : Nga sngewthuh kmie, ka jingieit ka pynlamwir ia nga. Ale, ale, klet noh. Ka jinglong briew kam iai biang. Nga don bun kiei kiei ba ngan khlei, ale.

Byrdi : Em, ngam leit. Leit hi. La biang katto phi la leh.

Manosha : (Ka buh la ka kti halor ka kti U Ksanlah) Bah Ksan, phi lah ban ieh ia I shipor hangne, ngan sa kren. I bapli I la upset palat da kane ka jingleh jongphi : phim iohi I la kylla bad dur bad dar ?

Ksanlah : Kong Manosha, ngi don dinner mynta ha Pinewood... ..

Manosha : Khie.....wat khuslai ia kata : in sa poi iing ha ka por kaba biang.

Ksanlah : (U dem la ka khlieh) Shisha shisha nga sngew sih ia kane 'ka jingjia baroh. Nga kular ban

leh kano kano ban pynsngewbha pat ia I.
(Shuwa ban mih u shim la ka kti U Kynsai)
Phin ia khublei em bad nga? Nga panmap
na phi ruh.

Kynsai : (U sei la ka kti ban khublei) Koit, ym lei
lei Bah Ksanlah, Ka longbriew kam ju biang
Hynrei sngewtynnad pat ban ia panmap haba
ngi la bakla.

Ksanlah : Phi tip Bah Kynsai: hynne shuwa ba ngan
rung ha iing jongphi nga sngew la kat u tym-
men shispah snem: mynta pat nga sngew kum
u samla 18 snem. Shong suk baroh, nga la leit.

(U Kynsai u leit on lynti, katba baroh ki
ia dait shyntur bad la pait suh iwei ia iwei pat)

(Hadien shiphang u Kynsai u wan rung biang)

Kynsai : Kmie, phi long shisha u mawsiang. Ia kane
ngan nym klet lano lano ruh. Ka jabieng jong
phi la kat ka leilieh bad ki kyntien jongphi
ki tuid kum ka dud. Nga la suhjer baroh
shirynieng haduh ba ki napkhohsiew ki la khish
kap kap. Hynrei phi pat te triang phi skhem
kum u mawsiang.

Manosha : Kpa ba I Bah Ksanlah I la leit: phi lah
ban shim noh ia kane ka cigarette case. Da
shna bha da u kynjri bad woh ha ryndang
khnang ba phin nym klet shuh hadien habud.

Kynsai : (Da kaba sngewtem) Em, kmie: phi lah bah
shim noh me phi. Lense ngam donkam shuh
ia ka.

(Ka don ka jagsngap jat shiphang)

Manosha : Kpa, iathuh ia nga: don mano mano ba iohi
ia phi ba phi leit hynne mynmiet ha iing I
Kong Mynti?

Kynsai : (Da kaba dem ki khmat shapoh) Nga ngeit em, kmie. Ngi la iakut ba in plie lypa ia ka phalor bad jingkhang shaphang kper kaba leit beit beit sha kamra thiah jong I.

Byrdi : (Da kaba lehrain) Kong Manosha, ngam tip shuh phin pyrkhath kumno ia nga !

Manosha : Kong Byrdi, phi mut ngan dang pyrkhath aiu shuh nalar kaba nga la ju pyrkhath !

Byrdi : Phi donhok ban mai ban tim ia nga katba phi mon.....

Manosha : Kaba dei kaba phi ong bad baroh ruh ki pyrkhath kumta : hynrei ngam long kumta kumba ka pyrthai ka khmih lynti.

Byrdi : Ha lade ngam sngew lah shuh ban pyrkhath : nalar ba nga la shukor ia ka jingieit bad jingshaniah jongphi, phi dang iada pat ia nga : ngam sngew don khmat shuh.....

Manosha : Kan myntoi aiu kein ia nga lada nga tim bad pynjah burom ia phi ! Nga kham sngewsih ma nga kein ba ngam lah ban bat ia la u tnga. Na kawei ka liang nga sngewnguh ia U Ksanlah ba u la plie ia ki khmat jongnga. Nga sngewnguh ruh ia I Mei bad I Hep ki-ba la shniah pynwandur ia ka jingim jongnga. Hato tang kine kim la biang !

Byrdi : Te balei ko, phim saham naduh ba phi iohsngew na ka khheng ka tyngap ?

Manosha : Kane ka dei ka kamrieh ka kamtuh haba dum haba ngen, kumno kein ngan pynshisha ? Phi kwah ia nga ruh ban long kum U Ksanlah ? Ia I kpa nga la leit la shaniah lut bad nga la leh baroh ban pyabiang pynsngewbha ia I : kumno kein ngan dang pyrkhath ba in shukor

Ia nga ! Nga tip katno U Ksanlah: bapli ula
 sngewsih namar ba u ngeit ba la pynmong jur
 ia phi. Ynda phi poi ha iing, ym tang ba un
 isalam bam er-pyngad sha ki jaka phiang bad
 ki pukri um; khlem pep un leh kaei re kaei
 ka ban tyllap noh lin ban pynum pat ia ka
 dohnud jongphi.

Byrdi : Ia kata nga tip Kong Manosha: shisien ba u
 shynrang ula pynmong bymdei ia ka briew kaba
 u ieit; u kloi ban leh kano kano.....

Manosha : Hynrei, kane kawei phim dei ban klet: leh mynleh
 bym kwah kren ia u. Iam tynggeh' haduh ka
 dohnud jongu kan da jem kum u wang thadsngi.
 Ong, ba kat kane ka jahburom la suk ka iap.
 Tad haduh ba phi la iohi ba ula da syep bad
 pisa thui bad ym i don jaka shuh, sa sdang
 pynjem suki suki. Phi la pei em ! (Ka phai
 sha U Kynsai) Kpa, ka dei ka pali jongphi
 ban leit on ia I Kong Byrdi sha iing ioh I
 slem sha Pinewood.

Byrdi : Khublei shibun Kong Manosha, ngan leit hi.
 Ngam mon ban leit bad I Kynsai.

Manosha : Haba kumta, Bah Donbok, phin nym sngewei
 ei ban leit buh jingjang ia I !

Donbok : Yn lei ka, sa ia rat I ta. Ngan leit drop ma nga.
 (U Donbok bad Ka Byrdi ki mih)

Kynsai : Map ia nga knie. (U pynjem ki niuhmat) Nga
 kloi ban pdiang kano kano ka jingpynsaja na
 phi.

Manosha : Jingpynsaja ! Ia u kpa ki khun em !, Khublei
 shihajar nguh, Hynrei tang kawei nga don ban
 ong, bad kata ka long, ngam pat ju lap dohnud
 shynrang kum ka jongphi.

Kyntai : Shisha shisha, nga la sngewlehraia hi suin. Nga nang khmih lynti ba phin mai, phin tim tla ia nga: pynbani phi da ia nga na, khlieh ha kjat. Ba nga la poi ha ka rem, phi lah ban leh kat-ba phi men.

Manosha : Kita baroh kpa ki bym myntoi suda. Ka burom kein kaba tam. Pieng, suk du ban iei: hynrei shitom pat ban bat ia ka, ym dei? Phim ju bna ba ym ju don jahburon ha ka kynthai palat ban ia ka, iaid buhrie! Ka pyrthei kan kynnoh ba ngam lah pynbiang em!

Kynsai : Nga la leh bymdei kmie, sngewbha klet noh. Nga tip phi ieit phi shariah ia nga: hynrei ka pap aiu nga dang iaid nator jong phi! Ngan da thngad ngan da thngaw naduh mynta.

Sianti : Hadien ba phi la sloit lyngkhuid, yn dang leh atu shuh.

Kynsai : Phimi lah shuh dei Hep, Kiaw ban map ia nga?

Sianti : Lah eh ban map Kong: Ka jingkhrew ka doh-nud pat! Haba phim ieit shuh, balei ka phim kfen da kaba shai!

Kynsai : Nga la bakla hep, map.

Sianti : Lada phi la sngewthuh shisha ia ia ka jing-bakla; naduh, mynta phim dei shuh ban teh miraw ia I Kong.

Tiewbon : Manosha, nga ngeit phin dang ia shong ia sah ryngkat em bad I Pyra?

Sianti : Dang don ngiew hi Mei ban ia shong ia sah ryngkat bad kum kane ka jinglong!

Manosha : Hep, ym ju bit ban shu kren lyngkut jydong, sngap ia nga? Kum a kpa, I Kynsai I long i ba bna bad ba donburon. Ai un ioh hi la ka bainong.

Tiewbon : Khun, nga tip phi bitar : pynban wat ai ba ka sngi kan sep na ka shyllangmat jongphi.

Manosha : Mei, ym dei nga bitar : nga wad ka jubab ba don burom, bad ka jabieng jôngnga ka dap jingkheda.

Tiewbon : Nga ngeit I Pyrsa I la sngewthuh ia la ka jingbakla. Barabot ka jinglong biew hi ka tiot.

Manosha : Yn ong shuh kumao keia Mei. Mynba ngi dang duk, ka jingieit bad jingshaniah ka tuid kyrhai Ynda U Blei tula kyrkhu balei pap mo ngi hap ha kane ka apot! Baroh ki jinglong mrad ki sei khleh kum ki 'seiner!

Kynsai : Kein noh seh kmie.....

Manosha : Phi I Kpa : kane kawei kaba shu pynkynmaw ia nga. Ngi ia mad em ia ki khen ka jinpim! Rynkat ngi ia ia iam bad rynkat ngi ia ia kmen! Iathuh hok sep, joh phi la blat ia nga?

Kynsai : (U trud khlieh) Kmie, hok shisha nga icit ia phi.....

Manosha : Lada ka long shisha kumta, te balei pat phi dang leit trud jingieit kylieng? Phi pynshlei ia ka jingshiah jôngnga da ki ummat bad phi shor ia ka dohnud jôngnga da u sampliang? San snem mynta nga iaid ha syrngiew ka syier bad ka artatien : la katta phi dang ong pat, nga leit dapbiang ia phi!

Kynsai : Kmie, ban kren ia ka jingshisha : ha ka jinglong biew nga tiot wat la 'buh sien' nga ju rwai, "Close the door of temptation," katta ka nang tynrah ia nga. Phim lah shuh kmie ban klet ia ka jingbakla jôngnga?

Manosha : Yn dei ba ngan klet Kpa : nga ngeit ruh ba naduh mynta pynlong u biew aba thymmai.

Ym don ba janai ha pyrthei : ia kata baroh
ngi sngewthuh : hynrei ban shu tci pop pat
tang ha ka jingtlod bad jingbakla ruh ngam
sngewdei.

Kynsai : Kaba shisha kmie kaba phi ong : phi ka angel
shisha shisha.

Manosha : Kata ka mut, ba ynda phi leh pat kum kane
hadien habud phin da husiar ban nym don ba
tip seh kpa ?

Tiewbon : Em khun, I Pyrsa im mut satia kumta.

Manosha : Phi i Mei : nga la nangpyrkhat ba ynda la dap
sawphew snem ngin nang kham iar ka jingmut
jingpyrkhat.....

Kynsai : Haduh mynta te em phi kmie. Nga phla
hok ha phi ba nga la sngewthuh.

Manosha : Phi dang kynmaw em kpa ba I Phyrnai I
kwah ia nga ban ia trei lang bad I ? Ha kato
ka por nga la kyntait, hynrei mynta nga sngew
ba nga dei ban pdiang.

Kynsai : Kata te Kmie, phim shym la map kein ia nga !

Manosha : Phi kren lei kumta kpa ! Nga donkam em ban
ieng ha la ki kjat ? Balei ngan shu ban khia
tylli ia phi ?

Kynsai : Kmie, kine baroh kiba nga kamai ki long
namar jongno ? Ym dei namar jong phi bad
ki khun ?

Manosha : Ia kata nga sngewthuh Kpa. Hynrei sngewbha
wat long mawjynthud ia nga ban leh ia kaei
kaba ka dohnud ka kwah.

(Ka don ka jingsngap jar shiphang)

Kynsai : Kmie, lada phi la kut jingmut shisha haduh
katta : nga sngew ba ngam don ei ei ban ong.

- Manosha :** Kpa, nga kmen ban iohi ia ka dohnud jong phi. Ki nongpang ki la ap slem : phi lah ban leit attend noh ia ki.
- Kynsai :** Hato kane kan long ka dak jong ka jingiasuk hapteng jongngi ?
- Manosha :** Balei Kpa ? Phi dang artatien ne ! Ka jingsuk bad jingbha.
(U Kynsai u mih noh)
- Tiewbon :** Phi mut ban leh aiu khun hadien kane ?
- Manosha :** Mano ! Ma nga Mei !
- Tiewbon :** Ngam kwah ban iohi ia kito ki khmat suh kynriang jongphi.
- Manosha :** Ngam tip te Mei, balei ki briew ki shu tharai sniew ia nga !
- Tiewbon :** Namar kito ki khmat jong phi ki kren jngai jngai.
- Sianti :** La bha ba phi trei noh la ka kam Kong : Ew ! ban shu shamah ha kiwei ka ban rew ho !
- Manosha :** To seh Hep, tang ban shu pynmih syep bad laitkti laitkjat.
(U Donbok u rung bad u khoingoid shane shatai)
- Donbok :** Don mano mano ha iing ?
- Manosha :** Wa ! I Bah Donbok, Phi la wan ? Shong shong. Phi la leit buh haduh iing em ?
- Donbok :** Haduh phyllaw hi kein.
- Manosha :** (Ka pyni dak ia ka kmie bad ka para ban leit noh) Mei nga sngewsh ba nga la bat slem ia phi : ngam lah pat khlem da sngewnguh

khamtam ia i Hap ba phi la ia don kyngat
ha ka khyhipmat kaba eh.

Tiewbon : Khun, wat leit ong kumta. Ka dei ka kam-
tam jongnga. Te, ngi la ia leit shuwa, Bah
Donbok, nang shang.

(Hadier ba ia ia khubet ki mii noh)

Manosha : La slem palat ym dei ?

Donbok : Slem té ka la kham Ka mat ia dep shato.
Manosha, nga don ei ei ban kren jar jar ha phi.

Manosha : Ka ban myntoi ia phi ne ia nga ? (Ka rkhue
artad)

Donbok : Lehse, ka ban myntoi lang kein, (Kylla ia ka
jingkren) Nga da sngewsih phi ban lap kum
ia kate kate kate.

Manosha : Hynrei ka don pat la ka jingmyntoi em !

Donbok : Ha ka jingshisha nga la bna la kham slem.
Ngam shym pyrkhat pat ba phi ruh phi tip
Manosha, phi da kong shisha ka briew kaba
shuh. Ia kate ka jinglong nga saroh : bad na-
mar kane nga nang kham ieit shuh shuh ia phi.

Manosha : Sngewieit sat hi de !

Donbok : Phim tip Manosha, haduh katno ka dohnud
jongnga ka pat ka pra haba nga pyrkhat sha-
phang jongphi.....

Manosha : Bah Donbok, sngewtha wat da shim than ia
ka jingkhia ka dohnud katei ha lade.

Donbok : Namar ka kthan ka briew kaba nga ieit. Na-
duh mynshuwa nga la mynpaw ba phi ba nga
kloi ban leh kano kano namar jongphi. U Kyn-
shih da katei katei ia phi : piewat, lada. amuat
shuh, katei nga katei ia katei shai ? Namar
kata, ngam, kohidaw katei phia dang snoh pat
ha u !

Manosha : Phi i Bah Donbok, u dang dei hi u tnga jong nga em ! Shong hok ia nga ban lyndet ia u kumba u lyndet ia nga !

Donbok : Wat hadien ba u la leh beijot katne ruh ! U la pynlehrain bad khein dewthala em ia phi !

Manosha : Phi da ngeit bad sngewthuh shai ba u la ibein ia nga ?

Donbok : Lada em, te balei un ia id nator jongphi ?

Manosha : Kata phi mut shisyndon nga dei ban ksan rngiew seh ?

Donbok : Lynda kumta, iathuh ia nga, balei ba phim dei ban leh !

Manosha : Bah Donbok, ngim im shuh ha ki sngi ba u tnga un teh mraw ia ka tnga kum ia u 'sibordi. Ngim shaniah shuh tang ha u rangbah ban ioh la ka ja kyntien. Lada um sngewjuh shuh, u lah ban leit kat sha ba u mon. Ngi ki kynthei ruh kumjuh em !

Donbok : Lada kumta te ym la pluh ka pyrthei ! Dang don longiing longsem shuh !

Manosha : Phi sngewphylla seh ! Katba u shynrang u dang-ieit; u pynbiang : ynda ula blat pat ! Katno ngut ki kynthei kiba hap kit lanot khunrei ! Phi la ju pyrkhut ia kata ?

Donbok : Manosha, phi ruh phi sngewthuh kumta seh !

Manosha : (Kem ktien) Bad nga ong ba katba u shynrang u dang pynbiang ngam sngewdei ba ka kynthei kan ia id kynriang na u. Ngi la shaniah tylli ha u ba un bsa bad pynbiang. Hynrei, lada ngim donkam shuh pat ia kata, ka long kawei pat : ne phi ong kumno ?

Donbok : Mynta nga sngewthuh shai pleng phim don jing-ieit satia hanga. Phi dang ieit iap hi ia U Kynsai.

Manosha : Lehse phim sngewthuh Bah Donbok. Ka nongrim ha kaba nga ieng kam dei kaba suk. Wat la U Kynsai u pynbiang, ka jingieit pat kam don shuh ha u.

Donbok : Haba kumta, shano phi thmu ban jam ?
(Ka don ka jingsngap jar shiphang. Ka Manosha ka shu peit shin ia u nakhlieh hakjat)

Manosha : Bah Donbok, sngewbha wat tynrah ia ka dohnud jongnga. Katba nga dang shaniah ha U Kynsai ia la ka jingim, ngan iai snoh ha u

Donbok : Lada phi ieit ia nga pat !

Manosha : Katba u dang pynbiang ia ki khun, ngan iai long kaba hok ha u.

Donbok : Kata te ym don jingkyrmen kein !

Manosha : Don tang kawei. Ia mynta ngin ia leit noh sha Polo : bad katba nga dang phone, start ia ka kali.

(U Donbok u mih bad ka Manosha ka shum ia ka Telephone)

Phyrnai, nga la kut jingmut ban pdiang ia ka jingtyrwa jong phi.

Phyrnai : Don ei ei ne kaba pher ?

Manosha : Em em, wat sngewthuh bakla ia nga : nga kwah ban ieng ha la ki kjat.

Phyrnai : Shabas ! Na ka umsyep jongpha phan bam ia la ka jingbam, em ! sngewieit sat ym dei ! Bye
(Joit ka kiew ha ka Kali bad wia ki suh sha Polo)

Act III

Ha ka juh ka kamra hadien shisnem. Kane ka dei ka por janmiet. Ka Manosha ka dang thoh shithi halor miej. U Shonrai u wan ia-thuh ba ka Phyrnai bad ka Sianti ki wan.

Manosha : Wa I Kong Phyrnai ! I Hep de ! shong seh. Phi ia wan lang ne ?

Sianti : Em phi Kong, ngi shu ia kynduh ha phalor.

Phyrnai : Nga pyrkhat kan long kaba sngewtynnad ban wan jngoh ia phi shuwa ba phin leit. Don ei ei ban iarap ?

Sianti : Jait ba phin leit shaduh Calcutta, nga shu wan ai khublei. Don ei ei kaba ngi lah ban ia pynteh pynsong lem ?

Manosha : Arphew sngi yn rah aiu ! yn song aiu ! Nga la dep tatar nadong shadong naduh mynsngi. (Ka phai sha ka Phyrnai) Nga don tang kawei ban ong ia phi kong : sngewbha peit bha ia ka dukan.

Phyrnai : Phi khulai lei ia kata ! Ngan kitkhlich nadong shadong. Kaba nga kwah long tang kane ; leit suk bad enjoy ia ka shuti.

Manosha : Baroh shisnem nga la trei kum ka bordi. Myn-ta jai ngan leit sha Calcutta.

Phyrnai : Phi lah ban pynthied ei ei ia nga ?

Manosha : Nga leit khnang ban shongthait bad enjoy life ; sngewbha wat pynrynjain ia nga.

Phyrnai : (Bad ka wiat artad) Lada long kein !

Sianti : Phin leit da ka plane ne da ka Train ?

Manosha : Da ka Maruti. Mynta nga sngewthuh ia ka dor jong ka umsyep.

- Phyrnai : Kane kein kaba ki ong, ka jingkmén jong uba treí.
- Sianti : Ym tang katta kong !
- Manosha : Katta ruh phim put pei Sianti ! Phi ngeit ba ngam tip ia kaei kaba nga dei ban tip !
- Sianti : Nga ia kynduh hynne ia I Kong Byrdi ha Motphran.
- Manosha : Dang kumto kumto I phone ha nga. I iathuh ba I don ha Bombay baroh shisnem bad U Ksanlah. Kumne hi I la wan.
- Sianti : Shane seh ! I dang kwah aju shuh !
- Manosha : Em, I ong ba in shu wan ai khublei.
- Phyrnai : Ito te Iba la shang pyrtthei phi mo !
- Manosha : Haba riew te phi ! Ngi ruh ki kynthei ba treí ngi dei tan shim kabu ia ki shuti, kham tam kiba treí kam sorkar kim dei ban pyn-leh noh ei ia ki L. T. C. Pynpyngngad ei la ka met em !
- Sianti : I Kong Kynsai mynta te I la ioh jingsneng.
- Phyrnai : Ioh jingsneng ! U 'langkyntur kper un iai kynthur hi. Set nawei un phiung nawei kein. Hoid, shisien thngad te u thngad kein, ne phi ong kumno ?
- Manosha : Sa kylli hi seh, kumne I la wan.
(U Kynsai u rung bad u iohsngew mala mala ba ki khlei ia ka kyrteng jong u.)
- Kynsai : Phi ia ong aia shaphang jongnga, ngam lap iohsngew bha ?
- Sianti : Em, ngi ong katto te phi la kynjah.
- Kynsai : Kynjah ! Nga don bylai ki kam ban leh.

- Sianti : Te balei ka phim ia leit lang ?
- Phyrnai : Peit wat kynnoh mo ia nga Nga leh tang ia kaei kaba I Manosha i kwah.
- Kynsai : Ban kren ia ka jingshisha, ngam kwah ia I ban leit : hynrei, ngam lah pat ban khang haba I kwah.
- Phyrnai : Ka ban rew ho kata. Ngan leit noh shuwa. Sa leit suk Manosha.
- Sianti : Ap, ap ngin ia leit lang. Leit suk kong...
- Manosha : Knubfei ia phi shibun eh ba phi la ia wan. (Ka Phyrnai bad ka Sianti ki mih noh)
- Kynsai : Balei mo kmie phim ap ba ngin ia leit lang ?
- Manosha : Wa I Kpa te...e ! Phi ngeit seh ka muja ban leit lang ? Wat ban klah ia ka umsaw shingta ruh ym ju bit em ? Kpa, nga leit khnang marwei ban pynpyngngad bad pynjahthait. Don jingshongthait hi haba ia leit lang ?
- Kynsai : Kata phi mut kmie ba phi thait lynter seh haba phi don bad nga ? Khatei bun kito kiba ia leit shijur shijur du !
- Manosha : Nga pat nga pyrkhat ba phin kham kmen haba nga leit marwei !
- Kynsai : Te, balei kmie phim kren da kaba shai syndon.
- Manosha : Yn leh kumno kpa, ka por kam shah shuh, bad nga la dei ban leit. Tang kawei kaba nga shu sngewdiaw ia phi ka long, ba kumno phin pyrkhat ba lada ki lok kiba phi iait ki kiar na phi.
- Kynsai : Kiar na nga ! Maño ? I Byrdi ! I ong aiu ha phi ? Nga tip I iait iap ia nga : hynrei nga la kut jingmut ban kiar syndon bak na fi.

Manosha : Dei hangne kein kpa phi duna ban sngew, thuh ia ka jinglong ki kynthei. Nga kyrmen ba phin nang sngewthuh shuh shuh.

(U Shonrai U iathuh ba I Kong Byrdi I wan)

Byrdi : La bna ba phin leit jingleit ! (Ka phai sha U Kynsai) Phi ruh phin leit lang em ?

Kynsai : (Kren mynthei) In leit marwei. Wat sngewei-ei mo, nga nang donkani. (U mih syndet artad)

Byrdi : Ha ka jingshisha nga don bun kiei kiei ban iathuh. Kato ka dawai jongphi em kaba la trei kam noh te (Ka pyni artad ia u locket thymmai) Phi iohi em une ! Ha kato kato hi ka janmret shuwa ban leit sha Pinewood I thied ia u. Ha ka sngi kaba bud pat I ialam bak ia nga sha Bombay, Mynta te baroh ki kam ki jam ki beit lut.

Manosha : (Da kaba peit shin) Targ ba ia kane wat klet : U Ksanlah um dei uba bieit, ioh phi pyrkhathakla.

Byrdi : Ia kata nga mynjur. U baphi ula sngewsih palat ba ula kum leh bymdei ia nga da kaba tharai sniew khlem sngewthuh.

Manosha : Phi ong kumta.

Byrdi : Nga don sa kane ban iathuh. Wat leit pyrkhath shuh ba nga dang don jingiadei ei ei bad U Kynsai.

Manosha : Kata kaba sngewtynnad. Nangta.....

Byrdi : Phim sngewei-ei ban iathuh lem ia u Kynsai ba naduh mynta um dei shuh ban pyrkhath ! Nga pait ka dohnud haba nga iohi ba ka iing jongphi ka pait ka pra. To ai ba kaba la leit ka la leit : ngin ia klet noh.

Manosha : Lada phi kwah ia nga ban iathuh ia I Kpa,

ngan iathuh : hyarei kaei ka daw kein kaba
la pynlong ia phi kumta ?

(Ka Byrdi ka peit sha I bad nangta ka kren)

Byrdi : Peit Manosha, kane kan long tang hapteng
jongnga bad phi Da lei lei ruh phim bit ban
jaw : phi kular em ?

Manosha : Tdot

Byrdi : Nga shaniah ia phi. Mynta nga la don da
uwe pat u samla.

Manosha : Phi ong kumta ! (Kynsan kynsan ka kiew ka
jingdom) Phi te ka marad shisha. Ngan jin da
la kham burom lada phi dei ka thei thadlad
Namar ka, ka don da ki daw ban leh kum-
ta. Phi pat ? Nalor ba phi im na u tnga,
phi nud ban leh kum kata ka akor ? Phi dei
ka riwlyngkar pleng. Nga nangmut ba phi shu
bakla, pleng mynta nga la pei. Phi la pyn-
bieit ia u tnga jongnga : mynta pat phin pyn-
byrsieh sa ia u tnga ? Mih shisyndon, ioh nga
sar da u synsar.

(Ka Byrdi ka mih da kaba rem bad mar
kumta U Kynsai u rung)

Kynsai : I la leit ne ?

Manosha : Hoid kpa, bad baroh ki iaid beit.

Kynsai : Phi donkam peisa em kmae ban leit sha ta ?

Manosha : Nga tharai em phi kpa : tang kaba nga la
kynshew kala biang.

Kynsai : Kumno phi ong kumta kmie; phim shym map
seh ia nga ?

Manosha : Balei kpa phi pyrkhat kumta ? Ngam kwah
shuh ban shu ban khia halor ki tyrpeng jong

phi ; nga kwah bah ia tyntong tem. loh phim
sngwbha ne ba nga leit trei ?

Kynsai : Phi kwah hi te.....ngan sngewsh lei.

Manosha : Kpa, nga ngeit kumta kumba phi phla.

(Ka don ka jingsngap lynga jar shiphang)

Kam pynpyrkhat ia phi kpa balei ba ngam
mai ngam tim haba nga lap ba phi ia iad
buhrieh bad ka Byrdi ?

Kynsai : Namar ba phi long shisha shisha ka briew
kaba bha bad badon burom : kaba pyrkhat.....

Manosha : Lehse phi bakla kpa. Kane ka iathuh ba nga
ruh nga lah ban leh kumjuh, khhang ba phin
sngewthuh janai haduh katno ka jingkthang ka
dohnud jongnga.

Kynsai : (U ieng joit kumba rah mano re) Kumno
kumta phi mut ban ong kmie !

Manosha : Lada phi ia ngiah ia nga : kan myntoi aiu
shuh ba ngan don bad phi. Imat nga la shu
long tang kum u thliem uba kjit ia phi.

Kynsai : Hynrei phi dei ka tnga jongnga bad ka kmie
ki khun !

Manosha : Kpa, phi mut ban ong ba nga dei tang ka
mangkariang ha ka tnad ka jingim ! La katta
ruh kpa, ngam lah khlem da sngewnguh ia
kiei kiei baroh kiba phi la leh ha nga bad
ha ki khun,

Kynsai : Balei mo kmie phi leit pyrkhat kumta ! Nga
leit ia phi.....

Manosha : Lada phi iait shisha ia nga : ka jingieit kam
ju arsap bad kam ju wad tang ia la ka mon
bad ka jingsngewbha. Tang namar ba nga dei
ka tnga mo ba phi hap ban bsa ? Bad na-

mar ba phi bsa phin teh phin khum ia nga
kum ka mraw? Kpa, kito ki sngi kila leit
bad kin nym wanphai shuh.

Kynsai : Kmie, balei phi ryngkoh shabar u pud! Phim
ngeit ba nga ieit bad sngewnguh ia phi ha
ki bynta baroh?

Manosha : Ia kata kpa nga sngewtbuh : bunsien ki shyn-
rang ki sngewnguh haba kim duh ei ei na
lade.

Kynsai : Dei kata seh kmie ka daw ba phi sa leit
trei?

Manosha : Em Kpa, tangba kordit ia kiba shong suk. Ka
por ka hikai ba ngam dei ban sbu lyngngiar
hapneh ka jingsuk. Mynta nga la lah ban ieng
ha la ki kjat : bad nga dawa ia ka juh ka
jinglailtuid.

Kynsai : Kata phi buh ingtyrkhong kein ia nga kmie?

Manosha : Khatsan snem ngi la ia im ryngkat : shisien
ruh ngam pat ju leh kano kano ka ban pyn-
mong ia phi. Met bad mynsiem nga ieit nga
shakri ia phi khlem arsap; phi pat?

(U Kynsai u pyndem niuhmat bad nangta u
kren)

Kynsai : Nga sngew kum ban phet iap noh shaei shaei
kmie.....Ngam mon ba phin leit maiwei.

Manosha : Ngam shym ong ia phi ba phin phetiap, lym-
ne ngam kwah ia phi ba phin khanglad ia
nga. Nga la kut jingmut ban leit bad u Don-
bok.

Kynsai : (Kum ba iuh tdong bsein) Bad no!

Manosha : Bad tang arngut hi!

Kynsai : Tang arngut hi ! La shoh kaba shoh. Phi mut ban tynrah ne ia nga ? Ju don hok ba ka kynthei brieve kan ia leit jingleit hi bad u shynrang ? Ka pyrtnei kan ong kumno ?

Manosha : Ei ban tip ! Tang ma phi hi ! Sngewbha wat khang, tang arphew sngi.
(U Kynsai u sawkyrang lain)

Kynsai : Phin lah set shaei ? Ka pyrtnei kan tip.

Manosha : Khatei ngi ia shong kali man ka sngi ym don ba kren du !

Kynsai : Hoid, kam dei ia nga ban tharai sniew : hynrei ka long kaei kaei ka bym lah long ba ka kynthei brieve kan iashong iasah lang bad u shynrang jin arphew sngi.

Manosha : Nga nang pyrkhath phi la sngewthuh kein kpa. Pleng phim put pei ne. Ngin leit kum shijur arphew sngi.

Kynsai : Phi la lamwir ne !

Manosha : Te, phi mut ba ngan leit leh aiu ei ! Lada nga donkam paralok balei ngam leit para kynthei !

Kynsai : Kata seh kmie ka jingpynjakthait ba phi ong ? Iathuh ia nga da kaba shai la U Donbok u dei uba leit jongphi ?

Manosha : Uba leit te em phi kpa.

Kynsai : Te phi mut aiu kein ?

Manosha : Ngan ong shuh kumno mo kpa ! Nga kwah leit shuti 20 sngi bad u Donbok u kwah ban leit lang.

Kynsai : Phi la pyrkhath pat ia nga haei nga ieng ?

Manosha : Ia mynta hi kpa, bha ba phi shong khop ha ling bad long uba iaishah.

Kynsai : Ban da dei kiwei kiwei ki shynrang kin lynthaw bad khiewja khiewdoh ban sngap kum ia kata ka nia : hynrei nga ngam long kumta : nga shu ieng ha ka lyngngoh.

Manosha : Kpa lada phi kwah ban suk, wat pyothut ia ka jingsuk : ia suk bad la ka mynsiem.

Kynsai : Kmie, nga da sngaw kum ban shu kyllon rynieng rynieng.

Manosha : Namar ba phi pyrkhath than te kpa. Long kum ma nga seh wat ju pyrkhath than.

Kynsai : Ngam shah kmie ia phi ba phin leit.

Manosha : Hynrei phim lah pat ban khang haba nga mon... !

Kynsai : Ka jingpyrkhat khyllah sngi aiu kaba wan rung haphi kum kane ?

Manosha : Nga kwah ka change of life kpa.

Kynsai : Kada.

Manosha : Phi ruh phi leh em kpa ? Bad haba phi leh kumne nga ichi ba phi kmen phi plung bad phi bha briew lymphuin kum u 'naikhatsaw synia bad phi rung phi mih dap mynsiem. Phin khanglad lei pat ia nga ban mad lem ia ka juh ka jingkmen kaba phi la mad. Phi icit em ia nga ?

Kynsai : Ia nga u shynrang te hoid kein ! Ia phi pat ka kynthei !

Manosha : Phi mut ioh ~~ja~~ ei ei kein kpa ? Riewkhlaw.

Kynsai : Ki briew kin kyntew naduh mihmat. Da lei lei ngan nym shah ba un rah ia phi

Manosha : Un rah lei ia nga ! Nga mon hi. Kpa, phi dei ban leh ia u kumba nga leh ia ka Byrdi, Palat nangta te la ia pluh.

Kynsai : Nga uba khlem snam seh !

Manosha : Kpa, nga iohi aiu ka jabieng jongphi ka pyrkhat. Sngewbha wat long diengpyngkiang. Mano ba tip ia ka lawei : mano ba lah ban pule ia ki jingthoh jong ka !

Kynsai : Ka briew mrad aiu kaba wan ha iing jong nga : nalor ba ka bam ia ka ja ka jhur, mynta pat un rah sa ia ka tnga !

Manosha : Uba kum ma phi hi kein kpa, Phim shym leh kumjuh ha iing u Bah Ksanlah !

(U shim ia u khiew syntiew bad u Iympat phiaw)

Phi la hun ne kpa ? Kane seh ka jinglong rangbah !

(Mar kumta wan rung ka Tiewbon bad ka iohi ia ka jingpait u khiew syntiew ha madan)

Tewbon : Don ba ur ne ! La mynsaw !

Manosha : Nga kmen eh mei ba phi poi ha ka por ka-ba biang. Kato ka dei ka jingleh ! Kpa ba I la bitar eh.

Tiewbon : (Ka dom ia ka Manosha) Phuit ka bieit. I Pyrsa im ju bitar.

Kynsai : Shisha Kiaw nga bitar : phi ruh phi ia sylla lang ne ?

Tiewbon : Sylla ia kaci mo pyrsa ? Nga lei lei ngam tip ia ka bneng ka khyndew.

Kynsai : Phi lah ne em Kiaw ban pynsahngah ia kane. Ka Manosha ka ong hana ban leit shang pyrthei bad U. Donbok arphew ; sngi.

Tiewbon : Ngam ngeit, (Ka phai sha ka Manosha) Shisha Manosha ?

Manosha : Hoid Mei, ka dei kaba shisha.

Tiewbon : Balei mo haduh katta ? Phi ia phoi ne ?
Khatei nga ioi phi ia suk ia palei !

Kynsai : Shisha Kiaw. Ngim pat ju ia phoi mynno mynno ruh. Shu kyndit dat I iathuh ia nga ba in leit arphew sngi bad U Donbok sha Calcutta.

Tiewbon : Iathuh hok khun : phi dang ieit ne em ia I Pysa ?

Manosha : Ym ieit balei Mei ! Nga ieit nga sngewbha bad nga shakri hi met bad mynsiem.

Tiewbon : Te, haba kumta, balei pat ?

Kynsai : Ka jingieit jingsngewbha kan dang don haei shuh, haba mynta I thmu ban dung ia nga syndon na u klong.

Manosha : Balei phi leit phlanduman kumta kpa ! Nga kular skhem ba ngan nym pynmong ia phi palat ban ia kaba phi pynmong ia nga.

Kynsai : (U sdang peishkor) Hato phi leh ia kate kum ka nongkylliang seh ?

Manosha : Kpa, kum kata ka mynsiem ngam ju pdem haka dohnud jongnga.

Tiewbon : Manosha, nga sneng ia phi kum ka kmie, ba ym ju bit ban pynbud. La shisha I Pysa I la leh bymdei eh, hyarei I la sngewsih bad I la panmap. Nga tip ba ka dohnud jongphi ka mong, kumba ma ngi ruh ngi ia mong tang : hyarei ka lynti kaba phi shim ka bakla. Ia u shyarang ka biang, balei ngi ki kynthei ngin leit pyrtuh mawsawa

Manosha : (Ryngkat ka wiat rymmuin) Mei, phi mut ban ong ba ia kaei kaba bit ia u shynrang kam bit seh ia ka kynthei !

Tiewbon : Ka pyrthei ka tip ia kata, Ia u shynrang ym da don eh ka jingkdew ktj, hynrei ia ka kynthei,.....! Khun, ngi la teh ia lade hapoh jong u bad ngi donkam ban ri khuid ia lade.

Manosha : Mei, engewbha wat kren shuh ia ka hyndai. Mynta ngi la lah ban ieng ha la ki kjat : bad lada u shynrang u kwah ia ngi ba ngin long kiba khuid, hato, kam dei ia u ruh ba un leh kumjuh ?

Kysai : Kmie, lada phi pyrkhath bakla ba ka 'Free-love' ka long thrilling and exciting, nga ong em. Sngap lem ia nga : ka long ka jingsngewbha kaba jaboh tam na ki jingsngewbha baroh.

Manosha : Te, balei pat kpa baroh baroh ki ia nohiap shata ?

Kysai : Phi I kmie, namar ba nga la mad ia lade, nga sa nang ban iathuh ia phi. Phin sa lap ba kam shongdor tang shi naya pait ruh.

Manosha : Ka lah eh kpa ban long kumta : kaba eh pat te phi ban ngeit ne ioh jingmyntoi na kata ka jingshem jongphi ! Ai ngan da mad sa ma nga de, te ngan sa nang ban pynshongdor ia ka.

Tiewbon : Khun, iathuh hok ia nga la phi icit shisha ia U Donbok ?

Manosha : Ngan tip kumno kein Mei ia kata !

Tiewbon : Ka don kawei ka jingtyanjah. Phi lah ban ia kyrshut bniat lang da u juh u toothbrush ?

Manosha : Haduh katta te em phi Mei.

Tiewbon : Kata phim pat icit kein ia ti !

Manosha : Khatsan snem ula panshandi, kane kaba la ktik ia ka dohnud jongnga. Nalor nangta u dang don shuti sa tang arphew sngi thik bad jlang hynniew snem un jah. Hadien kata leh-se ngi la ia klet iwei ia iwei pat

Kynsai : Kmie, phi mut ban iashong iasah ryngkat arphew sngi ?

Manosha : Hoid kpa. Phim pat ju iohi kumno u syntiew u plung itynnad shuwa ba un tlor ? Ki kber ki pha em wat ia la ka jingim tang ban shu iohi ngoid ia kawei ka premmiet ?

Kynsai : Kmie, ngan ong shuh kumno mo haba phi la kwah ! (Hamar kata ka khyllipmat ka Tiewbon ka iam rangbah hu)

Manosha : Balei mo Mei phi iam ? Phi lung mynsiem mo ban sngap ia ki jngia kren jongngi ?

Tiewbon : Em, em khun : nga iohsngew kata ka kali u Donbok ka la wan.

Kynsai : Kmie, phi mut ngan pdiang ia u kumba ngam tip ei ei ?

Manosha : Kan long khambha bad kham donburom kpa.

Kynsai : Phi mut ngan dungiap la ka ijot ?

Manosha : Ia mynta hi kpa, thep ia ka hapoh pdok. Leh kumba leh ma nga ia ka Byrdi.

Tiewbon : Hato phim lah shuh seh khun ban kylla ?

Manosha : Ha ka jingim jongnga Mei, ngam pat ju thok ne leh lyndet ne kylla jutang. Mynta ngam lah ban leh ia kata.

Tiewbon : Wat leit pyrkhat khun ba nga sngewbha ia kane ka jingleh jongphi.

Manosha : Mei, nga leh ia kane ban pynsngewoha ia lade,

ym iano iano.

(Ka Tiewbon ka mih noh da ka dohnud kaba kthang. Wan rung u Shonrai nangta bud sa u Donbok)

Phi la poi bah Donbok? (Ka phai sha u Shonrai) Buh kine ki tiar ki tar hapoh kali. Phi la sngewthuh em?

Shonrai : To Kong (U rah artad ia ki synduk bad ki bedding)

Donbok : Nga la poi ha ka por kaba biang ym dei?

Manosha : Khublei shibun. Phin sngewbha ban ap ia nga ha ka kali katba nga dang pyndep kam khyn-diat!

Donbok : (Da ka khmat kaba phuhmat) Koid ym lei lei.

(U mih noh artad)

Kynsai : Ka pait ka dohnud jongnga Kmie ban pyr-khat ba phin aiti ia lade jin arphew sngi ha u Donbok, u briew uba kum ma u em!

Manosha : Dei hangne kpa nga lap ba ka jingmut jing-pyrkhat jong u shynrang kam ia dei satia bad ka jingmut jingpyrkhat jongngi ki kynthai ha ka liang jong ka jingieit. Ki da iapher hi kum ka bneng bad ka khyndew.

Kynsai : Phi mut ban ong ba U Donbok u kham bha briew bad kham lah ma u seh ban ia nga?

Manosha : Em kpa, ha ki liang baroh, lah ma phi.

Kynsai : Haba kumta, te balei pat phi kwah ban leit bad u?

Manosha : Kpa, phi da kwah shisha ban tip ia ka jing-shisha jong ka baroh? Peit shane : nga da kwah shisha ba ki kti jong uba ieit shisha ia nga kin kdup kin pian ia nga : kin syrpa da

ka jingieit ia ka shadem ba thrang ba kyn-
 deh bad kin ktik pynskuin ia ka longrynieng
 jong nga baroh kawei haduh ba ki dew jing-
 ieit kin da khhir kir ha ki shympriah kti jong
 u; bad ngan iohsngew ba ki bor tynrai jing-
 im ki kyrsoi kum ka umpohliaw baim na ka
 dewryngkhiang ka jingrangli shuwa ban pdiang
 kynthup ia uta uba ka dohnud ka sliang ka
 thrang Ba ki rymmiang shyntur kiba kiuu kep
 kep bad ki met ba syaid ba la pynkhreh kin
 ia kynduh ha ki jingia kynud ba jylliew katba
 ki dang shad tyngkoh ha thwei jingim : haduh
 ba ki kti ba skhem kin da tiod hi iar bad
 ki rymmiang shyntur ba kjup ki klet ha ka
 jingsamthiah; katba ka um jingieit kaba kham-
 thiang ban ia ka ngap ka tuid ka kynsoi
 khlem tyngkai ban pyndap miar ia ka them
 jingim.

Kynsai : Ah, Blei Kynrad, shano me bret ia ka long-
 rynieng jongnga !

Manosha : Shiphew snem nga la mad ha ki ksangti jong
 phi ia ka jinghun jingkmien kaba ka dohnud
 kam don kyntien ban batai. Saw snem pat
 phi la pynkhriat pynpjah ia nga da ka jingieit
 leh myn leh kaba wad tang ia la ka mon;
 bad shisnem mynta phi la pyntrykhong raw
 ia nga da ka jingshukor bad jinglyndet. Oh,
 katno nga kwah ban her pat sha kito ki sngi !
 Phi bishni ne kpa ba ngan ioh ia kane ?

Kynsai : Kmie, phim tip haduh katno nga ieit ia phi.
 Nga sngewsih ba nga la kum lyndet : mynta,
 nga kular ban pynbiang ia kita baroh kiba ka
 dohnud jongphi ka thrang. Phim iai shah bad
 nga ?

Manosha : Nga la iai shah skem bad phi kpa : hynrei
 ngam tip balei phi pjah kum u nar wat la

ka snam ka kynshait!

Kynsai : Kmie, shahshkor ia nga. Nga smai ha phi ba ngan kiar syndon bak na Ka Byrdi : phim lah ma ban kiar na u Donbok

Manosha : Ia kata nga tip kpa. Phi kiar na ka Byrdi ban pynsngewbha ia lade, ym ia nga.

Kynsai : Em Kmie, naduh mynta nga kular ban long u tnga uba hok bad ba iaineh, uba ieit bad pynsngewbha ia phi. Sngewbha seh wat buh jingpynshoi hakhmat jongnga.

Manosha : Lada phi la kylla shisha naduh ka dohnud : ap ia nga ngan sa wanphai.

Kynsai : Wanphai ! Shano ? Ynda phi la dep ai la ka met ha u Donbok ?

Manosha : Hoid kpa : tang arphew sngi.

Kynsai : Phi mut ba ngan dang khot shuh ia phi !

Manosha : (Da ka sur kaba jem) Kpa, ngam i dondaw ei ei balei phim lah khot shuh ia nga. Phi la pyrkhath ia la ki kam ? Mynta phi woh daw pat ia nga haba nga leh ia kajuh kaba phi leh ! Hato nga la kyntait ia phi haba phi, wan phai pat sha nga ?

Kynsai : Ka bym lah long. Nga lah ban khlad syndon na phi, phi tip em ?

Manosha : Ia kata nga tip kpa ; bad dei namar kata ka daw ba nga la shong kurim khnang ia phi, u briew u ban nym leh kum ia kata, tang namar ba nga leh ia kajuh kaba phi leh.

Kynsai : (Ngak ka tynrah ia ka jingiatip lem ka dohnud bad toin-ltoin u jem) Em, em kmie; ngan nym khlad na phi. Ngan ioh briew naei shuh kaba kum maphi. (U iam artad)

Manosha : Kata, phin dang pdiang em kpa ynda nga wanphai ?

Kynsai : Kmie, wat la phi la lynshop bad pynlwet ia ka dohnud jongnga : pynlan ngam lah ban kyntait ia phi. Ngan iai ap ryngkat ka dohnud kaba pait tad lano ba phin wanphai.

Manosha : Kpa, lehse ha kata ka por ngin sa long ki briew kiba la pynthymmai : kiba hok bad kiba ia ieit markylliang : ki ban nym wad tang ia la ka mon bad kiba sngewthuh ia ka dor jong ka jingieit. Khublei kpa ka por kam shah shuh. Phim doh ia nga shuwa ba ngan leit (Baroh arngut ki ia piam slem slem ha ki umat)


Kynsai : Iaid biang kmie, da sumar ia lade

Manosha : Khublei baseit : ki sngi kiba khambha ki ap ia ngi sha shiliang ki arpew sngi.....bye.....

(Ka mih bad rung ha ka kali katba u Kynsai u ieng kumba shoh bieit khlem tip briew. Ka kali ka start bad wut ka iaid)

Kynsai : Ani, Blei Kynrad ! Haei nga don ! Nga ieng da ki kjat ne da ka khlieh !

.....La kut



Kiwei pat ki Kot da ujuh U Nongthoh :—

1. Ka Jitlakhai
2. Na kpep U Sohpetbneng
3. Ka Panjira Ksiar
4. Ka Mamla
5. Tang ka Jingainguh thang
6. Na Ki Tnum Sop-pring U 7 Trep
7. Ka Saiñpyrkhat Synshar Khadar U Khasi
8. Primary Education in the United Khasi & Jaintia Hills : Its Socio-cultural roots and Early history.
9. Ki Siejkhongpong bad ki Sairupa
10. U ba Bah la ka Khia ka Shon (Drama)